

odbrane koji su od zajedničkog interesa i radi zadovoljavanja određenih potreba Armije.

Odnosi koji nastaju iz udruživanja sredstava u smislu stava 1. ovog člana uređuju se opštim aktom, a mogu se uređivati i ugovorom.

Opšti akt, odnosno ugovor iz stava 2. ovog člana, u ime Republike zaključuje ministar odbrane ili starješina štaba, vojne jedinice, odnosno vojne ustanove koga on ovlasti.

Izuzetno od odredbe stava 1. ovog člana, u slučajevima i pod uslovima koje propiše ministar odbrane, određena sredstva Armije mogu se koristiti zajedno sa sredstvima u svojini građana koji ličnim radom samostalno obavljaju poljoprivrednu ili drugu privrednu djelatnost.

Odnosi koji nastaju korištenjem sredstava u smislu stava 4. ovog člana uređuju se ugovorom.

Glava II

PLANIRANJE I KORIŠĆENJE NOVČANIH SREDSTAVA ARMİJE

Član 11.

Novčana sredstva za finansiranje Armije obezbjeđuju se prema srednjoročnom planu razvoja, izgradnje i opremanja Armije, utvrđenom u skladu sa društvenim planom Republike.

Član 12.

Novčana sredstva za finansiranje Armije obezbjeđuju se u republičkom budžetu u globalnom iznosu, u skladu sa propisima o finansiranju Republike i odredbama ove uredbe.

Prihodi koje ostvare štabovi, vojne jedinice i vojne ustanove obavljanjem usluga i prodajom sopstvenih proizvoda posebno se evidentiraju u ostvarenom iznosu na strani prihoda i rashoda u republičkom budžetu.

Izuzetno od odredbe stava 2. ovog člana, prihodi vojnih ustanova iz člana 6. ove uredbe ne evidentiraju se u republičkom budžetu.

Član 13.

Novčana sredstva namijenjena za finansiranje Armije u toku kalendarske godine utvrđuju se i raspoređuju planom zadataka i finansiranja Armije (u daljem tekstu: finansijski plan Armije) za tu godinu.

Finansijskim planom Armije utvrđuju se ukupna novčana sredstva namijenjena za finansiranje Armije u tekućoj kalendarskoj godini po izvorima utvrđenim ovom uredbom i raspoređuju po namjenama iz člana 7. ove uredbe i po štabovima, vojnim jedinicama i vojnim ustanovama, saglasno srednjoročnom planu razvoja, izgradnje i opremanja Armije.

Finansijski plan Armije donosi ministar odbrane, uz prethodnu saglasnost Vlade Republike.

Član 14.

Sastavni dio finansijskog plana Armije čine i predračuni kojima se utvrđuju i raspoređuju novčana sredstva koja se, prema odredbama ove uredbe, izdvajaju na posebne račune i za posebne namjene.

Predračune iz stava 1. ovog člana donosi ministar odbrane.

Član 15.

Novčana sredstva utvrđena u finansijskom planu Armije za finansiranje štabova, vojnih jedinica i vojnih ustanova raspoređuju se prema namjenama i zadacima - planovima zadataka i finansiranja štabova, vojnih jedinica i vojnih ustanova (u daljem tekstu: finansijski plan štaba, vojne jedinice, odnosno vojne ustanove).

Finansijske planove štabova, vojnih jedinica, odnosno vojnih ustanova donose starješine tih jedinica, odnosno ustanova, a odobravaju ih neposredno pretpostavljene vojne starješine.

Član 16.

Finansijskim planom Armije i finansijskim planom štabova, vojnih jedinica, odnosno vojnih ustanova može se dio novčanih sredstava izdvojiti kao tekuća rezerva - za finansiranje nepredviđenih potreba.

Član 17.

Novčana sredstva ostvarena prenosom prava u pogledu stvari Armije mogu se izdvojiti na posebne račune i koristiti prema posebnim programima utvrđenim u srednjoročnim planovima razvoja, izgradnje i opremanja Armije.

Član 18.

Novčana sredstva ostvarena prenosom prava u pogledu stvari iz sredstava Armije uz naknadu prodajom i davanjem u zakup stvari namijenjenih za opremanje Armije mogu se koristiti po prethodno pribavljenoj odluci Vlade Republike, samo za finansiranje razvoja i opremanja Armije.

Član 19.

Novčana sredstva namijenjena za redovnu djelatnost štabova, vojnih jedinica i vojnih ustanova odobravaju se tim štabovima, vojnim jedinicama i vojnim ustanovama u globalnom iznosu, zavisno od potrebe i utvrđenih zadataka, a prema kriterijumima i normativima koje propiše ministar odbrane.

Član 20.

Iz novčanih sredstava namijenjenih za redovnu djelatnost štabova, vojnih jedinica i vojnih ustanova isplaćuju se i lični dohodi aktivnim vojnim licima, radnicima na službi u Armiji i građanima na radu po ugovoru u Armiji, i to: neposredno tim licima, preko tekućih računa tih lica ili na drugi način koji se primjenjuje u platnom prometu, u skladu sa propisom koji donosi ministar odbrane.

Član 21.

Novčana sredstva ostvarena prenosom ili otuđenjem stvari iz sredstava Armije namijenjena redovnoj djelatnosti koriste se za nabavku stvari za redovnu djelatnost Armije.

Član 22.

Novčana sredstva Armije namijenjena za zajedničke potrebe koriste se za zadovoljavanje zajedničkih potreba pripadnika Armije.

Član 23.

Novčana sredstva Armije ostvarena prenosom prava u pogledu stvari iz sredstava Armije, prodajom ili davanjem u zakup stvari namijenjenih zajedničkim potrebama i amortizacijom stambenih zgrada i drugih objekata koji služe zajedničkim potrebama, po prethodno pribavljenoj saglasnosti Vlade Republike, koriste se za zajedničke potrebe pripadnika Armije.

Član 24.

Radi pribavljanja dopunskih sredstava za finansiranje stambene izgradnje za potrebe aktivnih vojnih lica, radnika na službi u Armiji i građana na radu po ugovoru u Armiji, Ministarstvo odbrane može, u ime Republike, po prethodno pribavljenoj saglasnosti Vlade Republike u skladu sa opštim propisima stupati u kreditne i druge poslovne odnose sa bankama i drugim društvenim pravnim licima.

Član 25.

Ministarstvo odbrane izdvaja iz novčanih sredstava obezbijeđenih u republičkom budžetu za finansiranje Armije novčana sredstva za učešće u ulaganja za razvoj kapaciteta za proizvodnju i remont naoružanja i vojne opreme i druge kapacitete od posebnog značaja za odbranu, prema srednjoročnom planu razvoja, izgradnje i opremanja Armije.

Član 26.

Novčana sredstva iz člana 25. ove uredbe odobravaju se preduzećima u vidu kredita ili se udružuju sa sredstvima tih preduzeća prema odredbama člana 10. ove uredbe na osnovu usvojenih programa izgradnje, rekonstrukcije i modernizacije kapaciteta za proizvodnju i remont naoružanja i vojne opreme i drugih predmeta od posebnog značaja za odbranu.

Ministar odbrane može uz prethodnu saglasnost Skupštine Republike Bosne i Hercegovine (u daljem tekstu: Skupština Republike) otpisati kredite ili srazmjeran dio kredita odobrenog za kapacitete iz stava 1. ovog člana ako se ti kapaciteti, u skladu sa srednjoročnim planovima razvoja, izgradnje i opremanja Armije nedovoljno koriste.

Član 27.

Novčanim sredstvima iz člana 25. ove uredbe može se po prethodnom odobrenju Vlade Republike finansirati izgradnja, rekonstrukcija ili modernizacija kapaciteta za proizvodnju i remont naoružanja i vojne opreme koji služe kao rezervni kapaciteti za potrebe Republike u ratu, bez obaveza vraćanja tih sredstava.

Član 28.

Obaveze na teret novčanih sredstava Armije mogu se stvarati samo u granicama novčanih sredstava utvrdjenih i raspoređenih finansijskim planovima.

Izuzetno od odredbe stava 1. ovog člana ako interesi obrane to zahtijevaju ministar odbrane ili vojne starješine koje on ovlasti mogu, uz prethodnu saglasnost Skupštine Republike, u granicama planova razvoja, izgradnje i opremanja Armije, stvarati obaveze za više godina.

Član 29.

Novčana sredstva Armije mogu se koristiti i posredstvom posebne organizacione jedinice Narodne banke Bosne i Hercegovine u skladu sa zakonom i propisima donesenim na osnovu zakona.

Član 30.

Prihodi koje štabovi, vojne jedinice i vojne ustanove ostvare obavljanjem usluga i prodajom sopstvenih proizvoda koriste se za pokriće rashoda proizvodnje i prodaje tih proizvoda i obavljanja tih usluga, kao i za druge potrebe u skladu sa odredbama ove uredbe.

Član 31.

Neurošena novčana sredstva Armije prema finansijskom planu Armije i finansijskim planovima štabova, vojnih jedinica i vojnih ustanova prenose se u narednu godinu i raspoređuju finansijskim planovima za tu godinu.

Glava III

NEPOKRETNE STVARI ARMIIJE

Član 32.

Opšti propisi o nekretninama primjenjuju se i na nepokretne stvari koje koristi i kojima upravlja i raspolaže Armija (u daljem tekstu: nekretnine Armije), ako ovom uredbom nije drukčije određeno.

Član 33.

Pravo u pogledu nekretnina Armije može se uz prethodnu saglasnost Vlade Republike prenijeti na društveno-političke zajednice, preduzeća i druga pravna lica.

Prenos prava u pogledu nekretnina Armije vrši se po pravilu, uz naknadu koja odgovara prometnoj vrijednosti nekretnina u vrijeme zaključenja ugovora.

Prenos prava u pogledu nekretnina Armije bez naknade, uz prethodnu saglasnost Vlade Republike može se vršiti samo izuzetno, ako je to od posebnog interesa za odbranu. Postojanje tog interesa utvrđuje ministar odbrane ili starješina koga on ovlasti.

Član 34.

Nekretnine Armije mogu se prodati građanskim pravnim licima, građanima i njihovim udruženjima samo po cijeni koja odgovara prometnoj vrijednosti te nekretnine u vrijeme zaključenja ugovora, ako oni po opštim propisima o nekretninama mogu sticati pravo svojine na takve nekretnine.

Ako se određena nekretnina Armije ne može prodati po cijeni koja odgovara njenoj prometnoj vrijednosti, može se izuzetno od odredbe stava 1. ovog člana, prodati i po nižoj cijeni. Odluku o tome donosi starješina koji je nadležan za odlučivanje o prodaji te nekretnine, u skladu sa propisima koje donosi ministar odbrane.

Član 35.

Nekretnine Armije mogu se davati na privremeno korišćenje društveno-političkim zajednicama, preduzećima i drugim pravnim licima.

Nekretnine Armije mogu se davati u zakup građanskim pravnim licima, građanima i njihovim udruženjima, ako oni po opštim propisima na takve nekretnine mogu steći pravo zakupa.

U slučajevima iz stava 1. i 2. ovog člana nekretnine Armije se mogu davati na privremeno korišćenje ili zakup samo na određeno vrijeme, koje ne može biti duže od deset godina.

Nekretnine Armije mogu se davati na privremeno korišćenje bez naknade samo po odobrenju ministra odbrane ili starješine koga on ovlasti.

Član 36.

Prodaja i davanje u zakup nekretnina Armije građanskim pravnim licima, građanima i njihovim udruženjima može se vršiti samo na osnovu javnog nadmetanja, a neposrednom pogodbom - ako se nekretnine Armije ni na ponovljenom javnom nadmetanju ne proda, odnosno ne da u zakup.

Član 37.

Ako određena nekretnina samo dijelom čini sredstva Armije, u pogledu ostalog dijela te nekretnine pravo preče kupovine ima Ministarstvo odbrane, štab, vojna jedinica, odnosno vojna ustanova koju odredi ministar odbrane.

Sopstvenik dijela nekretnina iz stava 1. ovog člana koja ne čini sredstvo armije, dužan je da prodaju takvog dijela prvenstveno ponudi organu iz stava 1. ovog člana i da uz ponudu dostavi sve uslove prodaje.

Organ koji ima pravo preče kupovine u smislu stava 1. ovog člana dužan je da u roku od 60 dana od dana primljene pismene ponude u pismenom obliku obavijestiti ponuđača o tome da li će se koristiti pravom preče kupovine i prihvata li ponudu. Ako organ koji ima pravo preče kupovine u tom roku pismeno ne obavijesti ponuđača, smatra se da se neće koristiti pravom preče kupovine.

Ako organ koji ima pravo preče kupovine ne prihvata uslove ponude, ponuđač može nekretninu prodati drugome, ali samo pod istim ili povoljnijim uslovima od onih koje je ponudio tom organu.

Ako organ koji ima pravo preče kupovine u svom pismenom obavještenju ponudi svoje uslove, ponuđač može, u roku od 15 dana od dana prijema obavještenja nekretninu prodati drugome samo pod povoljnijim uslovima.

Tužba zbog povrede prava preče kupovine može se podnijeti u roku od jedne godine od dana izvršenog prenosa u javnim knjigama u koje se vrši upis prenosa.

Odredbe ovog člana shodno se primjenjuju i na nosioca prava u pogledu upravljanja, korišćenja i raspolaganja i na dijelu nekretnina koji ne čini sredstva Armije, a koji se namjerava prenijeti.

Član 38.

Odredbe člana 37. ove uredbe shodno se primjenjuju i na nosioca prava u pogledu upravljanja, korišćenja i raspolaganja, odnosno sopstvenika dijela nekretnina koji ne čini sredstva Armije, a koji namjerava da taj dio da u zakup.

Tužba zbog povrede prava iz stava 1. ovog člana može se podnijeti u roku od šest mjeseci od dana kad je štab, vojna jedinica, odnosno vojna ustanova koja vrši pravo u pogledu raspolaganja, korišćenja i upravljanja na drugom dijelu nekretnine saznala za ugovor o zakupu, ali najkasnije u roku od jedne godine od dana zaključenja ugovora o zakupu.

Član 39.

Stvarna službenost na nekretnini Armije može se zasnovati samo na osnovu ugovora koji zaključi ministar odbrane ili starješina koga on ovlasti.

Stvarna službenost na nekretnini Armije ne može se zasnovati ako korišćenje takvog prava može nanijeti štetu interesima odbrane.

Član 40.

Vode zahvaćene vodoprivrednim objektima, postrojenjima i uređajima koji čine sredstva Armije, ili su izgrađeni tim sredstvima koriste štabovi, vojne jedinice i vojne ustanove.

Objekti, postrojenja i uredaji iz stava 1. ovog člana ustupljeni na korišćenje i održavanje vodoprivrednim i drugim preduzećima ne mogu se unositi u katastar voda tih preduzeća.

Član 41.

Nekretnine Armije osim vojnih objekata izgrađenih u vojnom krugu za potrebe Armije upisuju se u javne knjige u koje se vrši upis prenosa po opštim propisima, s tim što se kao nosilac prava u pogledu raspolaganja, korišćenja i upravljanja upisuje Republika Bosna i Hercegovina - Ministarstvo odbrane.

Pod vojnim objektima iz stava 1. ovog člana podrazumijevaju se podzemne i nadzemne građevine sa pratećom infrastrukturom i unaprijed određenom vojnom namjenom.

Pod vojnim krugom iz stava 1. ovog člana podrazumijeva se zemljište koje čini nekretninu Armije, kao i drugo zemljište Armije ili u svojini građana koje po bilo kom pravnom osnovu (zakup, posluga i sl.) koriste štabovi, vojne jedinice ili vojne ustanove, osim zemljišta na kome su podignuti objekti stambenog fonda Armije (u daljem tekstu: stambeni fond Armije).

Zemljište Armije iz stava 3. ovog člana smatra se vojnim krugom i kad na njemu nisu izgrađeni objekti i kada nije ograđeno ili obezbijedeno vojnom stražom.

Član 42.

Ugovor kojim je nekretnina Armije otuđena, data na privremeno korišćenje, odnosno zakup ili kojim je na njoj zasnovana službenost poništiti se ako je zaključen protivno odredbama čl. 33, 34, 35. i člana 39. stav 2. ove uredbe.

Tužba za poništaj ugovora, u smislu stava 1. ovog člana, može se podnijeti u roku od jedne godine od dana zaključenja ugovora.

Glava IV

STAMBENI FOND ARMIJE

Član 43.

Do donošenja stambenog zakona u Republici, na stambeni fond Armije, primjenjuju se odredbe ove uredbe.

Član 44.

Stambeni fond Armije čine stambene zgrade, stanovi kao i posebni dijelovi zgrada, poslovne prostorije i garaže koje se nalaze u stambenim zgradama ili su u sastavu stambenih zgrada u stambenom fondu Armije, kao i prateći objekti, instalacije i uredaji koji služe samo toj zgradi ili njenom dijelu, a koji su izgrađeni iz sredstava Armije ili ih je Vlada Republike ustupila Armiji po osnovu diobnog bilansa sa bivšom Socijalističkom Federativnom Republikom Jugoslavijom.

Član 45.

Vlada Republike odobrava program stambene izgradnje za potrebe aktivnih vojnih lica, radnika na službi u Armiji i građana na radu po ugovoru u Armiji, na prijedlog ministra odbrane, u skladu sa srednjoročnim planom razvoja, izgradnje i opremanja Armije.

Član 46.

Stanovi iz stambenog fonda Armije daju se na korišćenje aktivnim vojnim licima, radnicima na službi u Armiji i građanima na radu po ugovoru u Armiji.

Stanovi iz stambenog fonda Armije daju se na korišćenje i licima kojima prestane aktivna vojna služba prije nego što je donesena odluka po njihovoj molbi za dodjelu stana na korišćenje, osim ako im ta služba prestane:

- 1) po zahtjevu, a podnosilac zahtjeva nije ispunio uslove za sticanje prava na starosnu ili invalidsku penziju;
- 2) po presudi nadležnog suda;
- 3) zbog gubitka čina, odnosno klase.

Stanovi iz stambenog fonda Armije daju se na korišćenje i radnicima na službi u Armiji kojima je služba u Armiji prestala prije nego što je donesena odluka o njihovoj molbi za dodjelu stana na korišćenje i radnicima na službi u Armiji kojima je služba u Armiji prestala prije nego što je donesena odluka o

njihovoj molbi za dodjelu stana na korišćenje, osim ako im ta služba prestane:

1) zbog napuštanja službe koje se, prema odredbama Uredbe sa zakonskom snagom o službi u Armiji Republike Bosne i Hercegovine smatra samovoljnim napuštanjem službe;

2) po zahtjevu, a podnosilac zahtjeva nije ispunio uslove za sticanje prava na starosnu ili invalidsku penziju;

3) zbog odbijanja da postupi po konačnom rješenju o postavljenju, odnosno o premještanju na drugo odgovarajuće radno mjesto ili ako se ne javi na konkurs za ponovni izbor na radno mjesto na kome se do tada nalazio;

4) zbog toga što nije pristalo na premještanje ako mu prema odredbama Uredbe sa zakonskom snagom o službi u Armiji Republike Bosne i Hercegovine, zbog toga može prestati služba bez njegovog pristanka;

5) zbog toga što je prilikom prijema u službu prešutito ili dalo netačne podatke koji su bili od uticaja na prijem u službu;

6) zbog zabrane da obavlja poslove radnog mjesta na kome radi;

7) zbog osude na kaznu zatvora u trajanju dužem od šest mjeseci;

8) zbog izrečene mjere bezbjednosti, vaspitne mjere ili zaštitne mjere u trajanju dužem od šest mjeseci;

9) zbog izrečene kazne otpuštanja iz službe u Armiji.

Stanovi iz stambenog fonda Armije daju se na korišćenje i članovima porodica poginulih i umrlih lica iz stava 1. do 3. ovog člana.

Prilikom odlučivanja o veličini stana koji se daje na korišćenje licima iz stava 1. do 4. ovog člana, pored nosioca stanarskog prava uzimaju se u obzir i članovi njegove uže porodice (bračni drug, djeca rođena u braku, vanbračna djeca, pastorčad i usvojena djeca) koji s njim žive u zajedničkom domaćinstvu, ako po osnovu radnog odnosa ili na drugi način nisu riješili stambeno pitanje, kao i njegovi roditelji, odnosno roditelji njegovog bračnog druga ako ih stvarno izdržavaju, a ako ti roditelji žive sa njima u zajedničkom domaćinstvu i ako na teritoriji Republike nemaju stanarsko pravo na stanu u vlasništvu Republike, niti stan, odnosno porodičnu stambenu zgradu u svojini koje mogu da koriste za stanovanje.

Prilikom odlučivanja po molbi za dodjelu stana na korišćenje licu iz stava 2. do 4. ovog člana, veličina i struktura stana koji mu se daje na korišćenje određuju se prema uslovima koji su bili ispunjeni u momentu prestanka službe, odnosno smrti tog lica čija je ranija služba u Armiji osnov za dodjelu na korišćenje stanja iz stambenog fonda Armije, odnosno prema izmijenjenim uslovima zbog kojih tom licu pripada manji stan.

Licima iz stava 1. do 4. ovog člana mogu se davati na korišćenje i stanovi u Republici koji ne čine nekretnine Armije u smislu ove uredbe, a koji se Armiji ustupe po bilom kom osnovu.

Izuzetno od odredaba stava 1. do 4. ovog člana, u garnizonima u kojima postoji višak stanova u stambenom fondu Armije ti stanovi se mogu dati na korišćenje licima koja imaju pravo na mjesečnu novčanu naknadu zbog prestanka aktivne vojne službe po potrebi službe, uživaocima penzija a, izuzetno, i mirmodopskim vojnim invalidima I i II grupe.

Član 47.

Stanovi iz stambenog fonda Armije mogu se davati na privremeno korišćenje, kao službeni stanovi aktivnim vojnim licima i radnicima na službi u Armiji koji su po potrebi službe premješteni i nemaju stan u mjestu službovanja.

Službenim stanovima iz stava 1. ovog člana smatraju se stanovi čije je korišćenje u vezi sa obavljanjem određenih službenih dužnosti koje propiše ministar odbrane.

Blíže uslove za davanje i korišćenje službenih stanova propisuje ministar odbrane.

Član 48.

Licima iz člana 47. stav 1. ove uredbe kojima je dat na korišćenje stan iz stambenog fonda Armije može se otkazati ugovor o korišćenju stana, ako im služba u Armiji prestane po

njihovom zahtjevu, prije nego što su u službi proveli deset godina.

Izuzetno od odredbe stava 1. ovog člana, ugovor o korišćenju stana može se otkazati i licu koje je provelo u službi u Armiji duže od deset godina, ako u pogledu trajanja te službe nije ispunilo obavezu utvrđenu Uredbom sa zakonskom snagom o službi u Armiji Republike Bosne i Hercegovine.

Licu koje je prema ugovoru primljeno u aktivnu vojnu službu kao građanin na radu po ugovoru u Armiji može se otkazati ugovor o zakupu, ako mu ta služba prestane po njegovom zahtjevu prije isteka vremena koje je po ugovoru bilo dužno da provede u aktivnoj vojnoj službi.

Član 49.

Ministar odbrane propisuje:

1) bliže uslove pod kojima se licima iz člana 46. ove uredbe daju na korišćenje stanovi iz stambenog fonda Armije i stanovi u vlasništvu Republike na koje Armija ima pravo davanja na korišćenje;

2) uslove za davanje kredita licima iz člana 46. stav 1. do 4. ove uredbe: za izgradnju ili pribavljanje stambene zgrade ili stana, za adaptaciju, rekonstrukciju, modernizaciju ili sanaciju stambene zgrade ili stana, kao i za adaptaciju zajedničkih i drugih prostorija u stambene prostorije,

3) nadležnost vojnih organa koji u prvom i drugom stepenu odlučuju o davanju stanova na korišćenje i postupak pred tim organima,

4) uslove pod kojima korisnici stanova mogu obavljati zamjenu stanova,

5) uslove pod kojima se korisnicima stanova daje odobrenje da stan mogu koristiti za obavljanje poslovne djelatnosti u stanu ličnim radom i uslove pod kojima stan ili dio stana mogu izdavati podstanarima,

6) uslove i postupak za adaptaciju zajedničkih i drugih prostorija u stambene prostorije.

Ministar odbrane propisuje mjerila za racionalno korišćenje stanova iz stambenog fonda Armije, način utvrđivanja viška stambenog prostora, obavezu nosioca stanarskog prava da plaća naknadu za višak stambenog prostora i način korišćenja ove naknade.

Član 50.

Lica iz člana 46. ove uredbe koje smatra da je davanjem stana na korišćenje drugom licu bitno povrijeđen postupak za davanje stana predviđen propisom iz člana 49. ove uredbe, a povreda postupka je mogla bitno uticati na akt o davanju stana, ili da lice koje je dobilo stan na korišćenje ne ispunjava uslove predviđene ovom uredbom ili propisom donesenim na osnovu zakona, ima pravo da pokrene upravni spor tužbom pred Vrhovnim sudom Bosne i Hercegovine.

Smatra se da je povreda postupka, u smislu stava 1. ovog člana, mogla bitno utjecati na akt o davanju stana ako taj akt nije javno objavljen, na način utvrđen propisom iz člana 49. ove uredbe ili ako su povrijeđeni kriteriji za utvrđivanje redoslijeda utvrđen tim propisom.

Lice iz člana 46. ove uredbe može pokrenuti upravni spor pred Vrhovnim sudom Bosne i Hercegovine i protiv odluke kojom je konačno odbijena ili odbačena njegova molba za dodjelu stana na korišćenje.

Član 51.

Ako se utvrdi da je konačan zaključak o prihvatanju molbe za stan, odnosno konačno rješenje o dodjeli stana na korišćenje doneseno na osnovu neistinitih činjenica ili dokaza, ili ako se utvrdi da bi na osnovu činjenica koje su postojale u vrijeme donošenja zaključka, odnosno rješenja, ili koje su nastale poslije njegovog donošenja, a prije useljenja u stan, trebalo donijeti drukčiji zaključak, odnosno rješenje, davalac stana će ga, po službenoj dužnosti ili po zahtjevu zainteresiranog lica, poništiti ili zamijeniti novim u roku od jedne godine od dana saznanja za te činjenice, a najkasnije u roku od tri godine od dana useljenja u stan.

Zaključak, odnosno rješenje poništava ili mijenja organ koji ga je donio.

Protiv zaključka, odnosno rješenja iz stava 1. ovog člana koje je donio prvostepeni organ može se podnijeti prigovor nadležnom drugostepenom organu, a protiv rješenja koje je donio drugostepeni organ može se pokrenuti upravni spor.

Član 52.

Odredbe ove uredbe o upravljanju i raspolaganju sredstvima odnose se i na sredstva stambenog fonda Armije, ako posebnim zakonom nije drukčije određeno.

Stanovima i stambenim zgradama izgrađenim sredstvima stambenog fonda Armije ili stanovima bivše JNA koji odlukom Vlade Republike budu ustupljeni na upravljanje, korišćenje i raspolaganje Armiji, upravlja Ministarstvo odbrane.

Glava V

POKRETNE STVARI ARMIJE

Član 53.

Pod pokretnim stvarima Armije (u daljem tekstu: pokretne stvari Armije), u smislu ove uredbe, podrazumijevaju se materijalna sredstva i životinje.

Pokretne stvari Armije mogu se, ako nisu potrebne ili nisu neophodne za dalju upotrebu u Armiji, prodavati ili na drugi način otuđivati, u skladu sa odredbama ove uredbe.

Pokretne stvari Armije mogu se prodati građanskim pravnim licima, građanima i njihovim udruženjima, ako oni po opštim propisima mogu sticati pravo svojine na takve stvari.

Radi prodaje pokretnih stvari Armije, ministar odbrane može osnovati posebne organizacione jedinice za prodaju, ako vojne ustanove.

Propise o prodaji ili stavljanju na raspolaganje na drugi način pokretnih stvari Armije donosi ministar odbrane.

Član 54.

Materijalna sredstva koja su namijenjena upoznavanju i popularizaciji Armije u zemlji i inostranstvu mogu se bez naknade davati društveno-političkim zajednicama, preduzećima, drugim društvenim pravnim licima, građanskim pravnim licima, građanima i njihovim udruženjima.

Propise o uslovima i načinu davanja materijalnih sredstava u smislu stava 1. ovog člana donosi ministar odbrane.

Član 55.

Pokretne stvari Armije mogu se davati na privremeno korišćenje društveno-političkim zajednicama, preduzećima i drugim pravnim licima.

Propise o uslovima i načinu davanja materijalnih sredstava u smislu stava 1. ovog člana donosi ministar odbrane.

Član 56.

Propisom ministra odbrane može se određenim materijalnim sredstvima, ovisno od njihove namjene i karaktera, odrediti rok upotrebe i čuvanja.

Glava VI

UPOTREBA I RASPOLAGANJE SREDSTVIMA ARMIJE

1. Zajedničke odredbe

Član 57.

Za zakonitu, namjensku i ekonomičnu upotrebu i raspolaganje sredstvima Armije odgovorni su, kao naredbodavci, ministar odbrane i starješina štabova, vojnih jedinica i vojnih ustanova.

Ministar odbrane je naredbodavac za sva sredstva Armije. Starješine štabova, vojnih jedinica i vojnih ustanova su naredbodavci za sredstva Armije, koja su štabovima, vojnim jedinicama i vojnim ustanovama stavljena na upravljanje, korišćenje i raspolaganje kao ovlaštenim materijalno-finanjskim organima.

Prava i dužnosti naredbodavaca iz stava 2. i 3. ovog člana mogu kao pomoćni naredbodavci, vršiti i druge vojne starješine koje ovlašti ministar odbrane.

Propisom ministra odbrane utvrđuju se materijalno-finan-sijski organi u Armiji i određuju prava i dužnosti naredbodavca.

Član 58.

Materijalno i finansijsko poslovanje Armije odvija se preko jedinstvenog žiro-računa Ministarstva odbrane, a ovlašćeni naredbodavci u Armiji u granicama odobrenih sredstava.

Na prijedlog ministra odbrane Vlada Republike može odlučiti da pojedine vojne jedinice i vojne ustanove Armije imaju svoje posebne žiro-račune.

Radi plaćanja prema inostranstvu na prijedlog ministra odbrane Vlade Republike može odobriti Ministarstvu odbrane otvaranje posebnog deviznog računa.

Član 59.

Za zakonitu upotrebu i raspolaganje sredstvima Armije pored naredbodavca, odgovorni su i računopolagači.

Koja se lica u Armiji smatraju računopolagačima i koja su njihova prava i dužnosti propisuje ministar odbrane.

Član 60.

Amortizacija stvari koje čine sredstva Armije vrši se saglasno opštim propisima.

Bliže propise o načinu i postupku obračunavanja amortizacije stvari koje čine sredstva Armije donosi ministar odbrane.

Član 61.

Sredstva Armije rashoduju se i njihova novčana vrijednost otpisuje:

- 1) ako su u tehničkom pogledu zastarjela za potrebe Armije,
- 2) ako se ekonomičnom opravkom ne mogu osposobiti za dalju upotrebu,
- 3) kad im istekne rok upotrebe i ako se stručnom analizom utvrdi njihova neispravnost,
- 4) ako prilikom čuvanja, manipulisanja i transporta dode do gubitka u vidu kala, rastura, gubljenja, loma i dr. - u granicama propisanih stopa,
- 5) ako su uništena usljed elementarnih nepogoda, epidemija, sprečavanja širenja zaraznih bolesti i drugih vanrednih okolnosti, bez krivice odgovornog računopolagača, naredbodavca ili kod drugog lica,
- 6) ako se upotrijebe za obavljanje opita, analiza i istraživanje,
- 7) ako se lice odgovorno za štetu ne može utvrditi ili ako lice koje je štetu učinilo, saglasno propisima o materijalnoj odgovornosti vojnih lica i radnika na službi u Armiji i građana na radu po ugovoru u Armiji, nije dužno da štetu naknadi,
- 8) ako zakonom ovlašćeni zastupnik, koristeći svoje zakonsko ovlaštenje, u zastupanju odustane od potraživanja ili drugog zahtjeva prije spora, u sporu ili u postupku izvršenja,
- 9) u drugim slučajevima u kojima interesi Armije to nalažu, a pod uslovima koje propiše ministar odbrane.

Član 62.

Vojne starješine koje ovlašti ministar odbrane mogu u izuzetno opravdanim slučajevima pojedine nepravilno izvršene isplate oglasiti likvidnim i odustati od naplate ugovorenih kazni i drugih potraživanja, pod uslovima, na način i do iznosa koje propiše ministar odbrane.

Član 63.

Upotreba i raspolaganje sredstvima Armije vrši se na osnovu naredbe ili drugog akta naredbodavca.

Član 64.

Računopolagač je dužan da izvrši samo naredbe o upotrebi i raspolaganju sredstvima Armije koje se zasnivaju na zakonu i propisima donesenim na osnovu zakona.

Ako smatra da za izvršenje naredbe o upotrebi i raspolaganju sredstvima Armije nije ispunjen uslov iz stava 1. ovog

člana, računopolagač je dužan da u pismenom obliku upozori na to naredbodavca.

Naredbodavac može riješiti da se izdata naredba o upotrebi i raspolaganju sredstvima Armije izvrši i pored upozorenja. U tom slučaju dužan je da naredbu o upotrebi i raspolaganju sredstvima Armije ponovi u pismenom obliku.

Računopolagač je dužan da izvrši ponovljenu naredbu i neće odgovarati za izvršenje te naredbe.

Naredbodavac koji je ponovio naredbu dužan je da, po izvršenju naredbi, o tome obavijesti starješinu koga odredi ministar odbrane.

Ako starješina iz stava 5. ovog člana utvrdi da je naredba bila nezakonita, pokrenuće postupak za naknadu štete prema odredbama Uredbe sa zakonskom snagom o službi u Armiji Republike Bosne i Hercegovine i propisima donesenim na osnovu te uredbe.

Član 65.

Nabavke i ustupanje izvršenja radova i usluga Ministarstvo odbrane, štabovi, vojne jedinice i vojne ustanove vrše javnim nadmetanjem ili neposrednom pogodbom.

Ministar odbrane propisuje u kojim se slučajevima nabavka i ustupanje izvršenja radova i usluga iz stava 1. ovog člana vrše javnim nadmetanjem i uslove za sprovođenje javnog nadmetanja.

Član 66.

Ako je opštim propisima predviđeno obezbjeđivanje plaćanja nabavki, radova i usluga, Ministarstvo odbrane, štabovi, vojne jedinice i vojne ustanove obezbjeđuju plaćanje po tim propisima.

Izuzetno od odredbe stava 1. ovog člana, plaćanje se neće obezbjeđivati za izgradnju investicionih objekata i nabavku, odnosno izradu investicione opreme, koji služe za potrebe Armije.

Ministar odbrane određuje objekte i opremu iz stava 2. ovog člana.

Član 67.

Ako je opštim propisima predviđeno da se prilažu dokazi o obezbjeđivanju sredstava za plaćanje investicionih objekata iz sredstava Armije, kao dokaz da su sredstva za plaćanje obezbijeđena u finansijskom planu Armije služi potvrda ministra odbrane ili lica koje on ovlašti.

Član 68.

Štabovi, vojne jedinice i vojne ustanove mogu za vršenje tekućih isplata držati gotov novac do visine blagajničkog maksimuma određenog propisom ministra odbrane.

Član 69.

Štabovi, vojne jedinice i vojne ustanove mogu davati akontacije na ime punih i drugih troškova, pod uslovima određenim u propisima kojima se uređuje naknada takvih troškova.

Član 70.

Štabovi, vojne jedinice i vojne ustanove mogu, izuzetno, vršiti uz naknadu radove i usluge državnim organima, preduzećima i drugim pravnim licima, građanima i udruženjima građana. Za izvršene radove i usluge u slučajevima elementarnih nepogoda, opasnosti po život i zdravlje građana ili po sigurnost imovine Republike i imovine građana, kao i drugim slučajevima u kojima je za otklanjanje opasnosti ili nenadoknдивe štete potrebna pomoć, štabovi, vojne jedinice i vojne ustanove imaju samo pravo na naknadu stvarnih troškova.

Za obavljanje radova i usluga, štabovi, vojne jedinice i vojne ustanove ne upisuju se u sudski registar niti se na bilo koji drugi način registriraju, ali za te radove i usluge vode knjigovodstvo po propisima koje donosi ministar odbrane.

Ministar odbrane propisuje slučajeve u kojima vojne jedinice i vojne ustanove naplaćuju troškove za pružene usluge iz stava 2. ovog člana i šta se smatra stvarnim troškovima u smislu tog stava.

2. Posebne odredbe o određenim vojnim ustanovama**Član 71.**

Opšte uslove poslovanja, način utvrđivanja prihoda, rashoda i rezultat poslovanja i raspodjelu sredstava za lične dohotke i zajedničku potrošnju u vojnim ustanovama iz člana 6. ove uredbe propisuje ministar odbrane.

Glava VII**OBAVEZE PREMA DRUŠTVENO-POLITIČKIM ZAJEDNICAMA, DRUŠTVENIM FONDOVIMA I DRUGIM ORGANIZACIJAMA I ZAJEDNICAMA****Član 72.**

Na novčana sredstva Armije koja se ulažu u nekretnine Armije, u programe razvoja posebnih kapaciteta za proizvodnju naoružanja i vojne opreme ili druge kapacitete od posebnog značaja za odbranu, u nabavku ili izradu investicione opreme za objekte koje koristi Armija, u opremanje štabova, vojnih jedinica i vojnih ustanova, porezi i druge dažbine mogu se uvesti samo zakonom.

Ministar odbrane, u sporazumu sa ministrom finansija, utvrđuje kapacitete i investicionu opremu iz stava 1. ovog člana.

Novčana sredstva za namjene iz stava 1. ovog člana Armija će usmjeravati na osnovu srednjoročnog i godišnjeg materijalnog bilansa potreba.

Realizacija materijalnog bilansa potreba Armije osigurat će se putem Direkcije za proizvodnju naoružanja i vojne opreme, a uvoz opreme, sirovina i materijala za proizvodnju naoružanja i vojne opreme za potrebe Armije vršiće se preko javnog preduzeća u državnoj svojini za izvoz i uvoz.

Pod porezima i drugim dažbinama, u smislu ovog člana, podrazumijevaju se porezi, carina, takse i druge dažbine koje su predviđene republičkim ili opštinskim propisima.

Armija nije obavezna da na novčana sredstva koja ulaže u namjene iz stava 1. ovog člana izdvaja sredstva za obavezne zajmove niti da plaća doprinose, utvrđene propisima društveno-političkih zajednica.

Član 73.

Armija je obavezna da plaća doprinose za korišćenje gradskog zemljišta utvrđene propisima društveno-političkih zajednica za korišćenje gradskog zemljišta za vojne svrhe, za objekte i prostorije za obuku, smještaj i rad vojnih jedinica i vojnih ustanova i za smještaj i čuvanje sredstava.

Izuzetno od odredbe stava 1. ovog člana, kad se zemljište, objekti i prostorije kojima upravlja Armija daju na besplatno korišćenje, pod zakup ili poslugu društveno-političkim zajednicama, preduzećima, drugim društvenim pravnim licima, građanskim pravnim licima, građanima i njihovim udruženjima, doprinos za korišćenje gradskog zemljišta plaća se saglasno propisima društveno-političkih zajednica.

Član 74.

Na zemljište i vodoprivredne objekte, postrojenja i uređaje, koji čine sredstva Armije, a namijenjeni su potrebama odbrane i za korišćenje vode za redovnu djelatnost vojnih jedinica i vojnih ustanova Armije nije obavezna da plaća vojni doprinos utvrđen propisima društveno-političkih zajednica.

Vojne jedinice i vojne ustanove plaćaju vodoprivrednim i drugim preduzećima i fondovima koje im obavljaju usluge - naknadu koja sadrži i sredstva za investicije u djelatnosti koje ta preduzeća i fondovi obavljaju.

Izuzetno od odredbe stava 2. ovog člana, vojne jedinice i vojne ustanove ne plaćaju vodoprivrednim i drugim preduzećima i fondovima koje im vrše usluge onaj dio naknade koji je namijenjen za investicije, ako se u toj djelatnosti sredstva za investicije obezbjeđuju iz sredstava Armije.

Ako se sredstva za investicije u djelatnosti u kojoj vodoprivredna i druga preduzeća i fondovi vrše usluge vojnim jedinicama i vojnim ustanovama samo djelimično obezbjeđuju iz sredstava Armije, vojne jedinice i vojne ustanove plaćaju dio

naknade namijenjene za investicije u toj djelatnosti, umanjene srazmjerno učešću sredstava Armije u tim investicijama, što se utvrđuje ugovorom zaključenim između vojne jedinice ili vojne ustanove i vodoprivrednog ili drugog preduzeća ili drugog pravnog lica-vršioca usluga.

Član 75.

Ako je opštim propisima predviđeno plaćanje komunalnih taksa, vojne jedinice i vojne ustanove ne plaćaju komunalne takse na predmete i usluge koje koriste u vezi sa svojom redovnom djelatnošću.

Član 76.

Za usluge koje same obavljaju za svoje potrebe, štabovi, vojne jedinice i vojne ustanove nisu dužne da plaćaju naknade komunalnim preduzećima koje te usluge obavljaju drugim korisnicima.

Ministarstvo odbrane propisuje koje komunalne usluge štabovi, vojne jedinice i vojne ustanove same obavljaju.

Član 77.

Štabovi, vojne jedinice i vojne ustanove oslobođene su obaveza prema društveno-političkim zajednicama za radove koje izvode u sopstvenoj režiji i za izradu proizvoda za podmirivanje potreba Armije.

Na usluge koje obavljaju i na proizvode koje prodaju korisnicima van Armije, štabovi, vojne jedinice i vojne ustanove plaćaju samo porez na promet, ako se po opštim propisima na takve usluge, odnosno proizvode plaća porez na promet.

Za usluge i druge djelatnosti koje obavljaju korisnicima van Armije vojne ustanove iz člana 6. ove uredbe plaćaju obaveze prema društveno-političkim zajednicama po opštim propisima.

Izuzetno od odredaba stava 2. i 3. ovog člana, štabovi, vojne jedinice i vojne ustanove ne plaćaju porez na promet i druge obaveze društveno-političkim zajednicama ako usluge obavljaju korisnicima van Armije u slučaju elementarnih nepogoda, opasnosti po život i zdravlje građana ili po sigurnost imovine preduzeća, drugih društvenih pravnih lica i građana, kao i u drugim slučajevima u kojima je pomoć Armije, radi otklanjanja opasnosti po imovinu i život i zdravlje ljudi neophodna.

Član 78.

Prije zaključenja svakog ugovora o prometu nepokretnosti Armije, ugovora o izvođenju investicionih radova u zemlji i inostranstvu koji se odnose na angažovanje finansijskih sredstava Armije, ustupanje sredstava Armiji na privremeno korišćenje licima van Armije, zamjenu stanova iz stambenog fonda Armije, mora se pribaviti pismeno mišljenje vojnog pravobranioca Armije o pravnoj valjanosti nacrtu ugovora.

Po prethodno pribavljenom mišljenju iz stava 1. ovog člana, ministar odbrane ili ovlašćeni starješina štaba, vojne jedinice odnosno vojne ustanove može da potpiše i ovjeri ugovor.

Glava VIII**KNJIGOVODSTVO I EVIDENCIJA O SREDSTVIMA****Član 79.**

Ministarstvo odbrane, štabovi, vojne jedinice i vojne ustanove dužni su voditi knjigovodstva i evidenciju o stanju i promjenama sredstava Armije koja koriste po odredbama ove uredbe.

Član 80.

O nekretninama Armije vodi se vojni katastar. Sadržaj i način vođenja vojnog katastra propisuje ministar odbrane.

Član 81.

Služba društvenog knjigovodstva vodi evidenciju o izvršavanju finansijskog plana Armije u obimu i na način koje utvrdi generalni direktor Službe društvenog knjigovodstva u saglasnosti sa ministrom odbrane.

Glava IX

KONTROLA I NADZOR NAD ČUVANJEM, UPOTREBOM I RASPOLAGANJEM SREDSTVIMA ARMIIJE

Član 82.

Čuvanje, upotreba i raspolaganje sredstvima Armije i materijalno i finansijsko poslovanje u Armiji podliježu kontroli.

Član 83.

Kontrola čuvanja, upotrebe i raspolaganja sredstvima Armije i materijalnog i finansijskog poslovanja u Armiji obavlja se prema odredbama Uredbe sa zakonskom snagom o Službi društvenog knjigovodstva ("Službeni list RBiH", broj 2/92), ove uredbe i propisa donesenih na osnovu tih propisa.

Ministarstvo odbrane, štabovi, vojne jedinice i vojne ustanove, prema opštim propisima, dostavljaju Službi društvenog knjigovodstva samo one podatke o sredstvima Armije koje sporazumno utvrde ministar odbrane i ministar finansija.

Član 84.

Nadzor i druge oblike unutrašnje kontrole nad čuvanjem, upotrebom i raspolaganjem sredstvima Armije i materijalnim i finansijskim poslovanjem u štabovima, vojnim jedinicama i vojnim ustanovama organizuju i sprovode ministar odbrane, starješine štabova, vojnih jedinica i vojnih ustanova kojima su ta sredstva data na korišćenje i pretpostavljene vojne starješine.

Član 85.

Ministarstvo odbrane obavlja kontrolu i nadzor u pogledu primjenjivanja propisa o proizvodnji i prometu robe i usluge od strane štabova, vojnih jedinica i vojnih ustanova, kao i preduzeća i pojedinaca koji u vojnom krugu proizvode i prodaju robu i obavljaju usluge za potrebe pripadnika Armije.

Organi Ministarstva odbrane obavljaju kontrolu i nadzor nad vojnim ustanovama i ugostiteljskim preduzećima koja se bave pružanjem ugostiteljskih usluga pripadnicima Armije u štabovima, vojnim jedinicama i vojnim ustanovama - u pogledu primjenjivanja propisa, pružanja ugostiteljskih usluga i zdravstveno-tehničkih uslova za pružanje tih usluga.

Propisom ministra odbrane bliže se određuju prava i dužnosti ovlašćenih inspektora iz stava 1. i 2. ovog člana u obavljanju poslova inspekcije, u skladu sa opštim propisima koji važe za odgovarajuću inspekciju.

Glava X

GODIŠNJI OBRAČUN

Član 86.

O izvršenju finansijskog plana Armije Ministarstvo odbrane istekom budžetske godine sastavlja godišnji obračun.

Godišnji obračun o izvršenju finansijskog plana Armije utvrđuje se izvršenje zadataka i visina odobrenih i utrošenih novčanih sredstava Armije i raspoređuju neutrošena novčana sredstva Armije.

Godišnji obračun o izvršenju finansijskog plana Armije donosi ministar odbrane, a podnosi ga Skupštini Republike na odobrenje.

Član 87.

Izvršenje zadataka, odobrena i utrošena novčana sredstva Armije u toku budžetske godine i raspored neutrošenih novčanih sredstava Armije, štabovi, vojne jedinice i vojne ustanove utvrđuju godišnji obračun o izvršenju svog finansijskog plana.

Godišnji obračun o izvršenju finansijskog plana štaba, vojne jedinice i vojne ustanove donosi starješina štaba, jedinice ili ustanove, a odobrava ga neposredno pretpostavljeni starješina.

Glava XI

POSEBNE ODREDBE O EKSPROPRIJACIJI I PRENOSU PRAVA U POGLEDU RASPOLAGANJA, KORIŠĆENJA I UPRAVLJANJA

Član 88.

Za izgradnju vojnih objekata i za adaptaciju postojećih objekata u vojne objekte za potrebe Armije kao i za izgradnju i adaptaciju tih objekata u objekte od posebnog značaja za odbranu zemlje, može se obavljati eksproprijacija pod opštim uslovima određenim zakonom.

Postojanje opšteg interesa za izgradnju i adaptaciju objekata iz stava 1. ovog člana utvrđuje ministar odbrane.

Ako se utvrdi da je to neophodno zbog hitnosti radova ili da bi se oklonila znatnija šteta za sredstva Armije, ministar odbrane može riješiti da se nekretnina koja se ekspropriše za izgradnju objekata iz stava 1. ovog člana preda u posjed i prije pravosnažnosti akta o eksproprijaciji.

Član 89.

Za izgradnju vojnih objekata za potrebe Armije i objekata od posebnog značaja za odbranu zemlje može se obavljati prenos prava u pogledu raspolaganja, korišćenja i upravljanja stvarima i pravima u svojini Republike na Armiju pod opštim uslovima određenim zakonom.

Glava XII

OVLAŠĆENJE ZA DONOŠENJE PROPISA

Član 90.

Ovlašćuje se ministar odbrane da donese propise o izdavanju novčanih sredstava Armije na posebne račune i o načinu njihovog korišćenja, o mjerilima i načinu korišćenja sredstava za zajedničke potrebe, o stopama rastura materijalnih sredstava, o sastavljanju finansijskog plana Armije i finansijskih planova štabova, vojnih jedinica i vojnih ustanova, o uslovima i načinu davanja avansa, o korišćenju sredstava Armije od strane štabova, vojnih jedinica i vojnih ustanova, o nabavkama, radovima i uslugama, o formiranju cijena proizvoda i usluga u štabovima, vojnim jedinicama i vojnim ustanovama, o načinu isplate ličnih dohodaka i drugih novčanih primanja vojnim licima i radnika na službi u Armiji i građana na radu po ugovoru u Armiji, o nomenklaturi sredstava Armije, o knjigovodstvu i evidenciji o sredstvima Armije, o godišnjem obračunu o izvršenju finansijskog plana Armije i godišnjem obračunu štabova, vojnih jedinica i vojnih ustanova, o nadzoru i unutarnjoj kontroli čuvanja, upotrebe i raspolaganja sredstvima Armije.

Glava XIII

PRELAZNE I ZAVRŠNE ODREDBE

Član 91.

Pod sredstvima Armije, u smislu ove uredbe, za vrijeme ratnog stanja, podrazumijevaju se i donatorski prilozima građana, društvenih pravnih lica, građanskih pravnih lica i stranaca koji su uplaćeni u domaćoj ili stranoj valuti, dragocjenostima, umjetničkim slikama i dr. poklonima.

Sredstva iz stava 1. ovog člana knjiže se i evidentiraju na način koji propiše ministar odbrane u saradnji sa ministrom finansija.

Sredstva iz stava 1. ovog člana smatraju se sredstvima u vlasništvu Republike i mogu se trošiti isključivo za potrebe Armije.

Član 92.

Propise iz člana 90. ove uredbe ministar odbrane donijeće najkasnije u roku od 60 dana od dana stupanja na snagu ove uredbe.

Član 93.

Danom stupanja na snagu ove uredbe prestaje da važi Uredba o privremenom finansiranju i pravu raspolaganja sredstvima Teritorijalne odbrane Republike Bosne i Hercegovine

("Službeni list RBiH", broj 4/92), član 85. Uredbe sa zakonskom snagom o službi u Armiji Republike Bosne i Hercegovine.

Član 94.

Ova uredba stupa na snagu danom objavljivanja u "Službenom listu RBiH".

PR broj 1461/93

13. marta 1993. godine
Sarajevo

Predsjednik

Predsjedništva RBiH,
Alija Izetbegović, s. r.

122

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O DOPUNI UREDBE SA ZAKONSKOM SNAGOM O PRIHVATANJU REZOLUCIJE 757 SAVJETA SIGURNOSTI OD 30. MAJA 1992. GODINE

Član 1.

U Uredbi sa zakonskom snagom o prihvatanju Rezolucije 757 Savjeta sigurnosti od 30. maja 1992. godine ("Službeni list RBiH", broj 8/92), u članu 3. iza tačke 3. dodaju se nove tačke 4. i 5. koje glase:

"4. zabranjuje pravnim i fizičkim licima svaki uvoz roba u Republiku Bosnu i Hercegovinu i svaki izvoz roba iz Republike Bosne i Hercegovine u bilo koju zemlju u inostranstvu, odnosno iz bilo koje zemlje u inostranstvu, ako je potrebno da se njihov prevoz vrši preko teritorija Republike Srbije ili Republike Crne Gore.

5. zabranjuje pravnim i fizičkim licima da izvrše, ili da izdaju nalog drugom preduzeću, svom ili predstavništvu trećeg lica u inostranstvu, ili inostranoj firmi, da izvrši kupoprodaju roba u inostranstvu i svaku vrstu tranzitnog posredovanja stranom ili domaćom robom, ako se prevoz tih roba vrši preko teritorija Republike Srbije ili Republike Crne Gore."

Član 2.

Član 5. briše se.

Član 3.

Ova uredba dostaviće se Generalnom sekretaru Ujedinjenih nacija.

Član 4.

Ova uredba stupa na snagu danom objavljivanja u "Službenom listu RBiH".

PR broj 1459/93

13. marta 1993. godine
Sarajevo

Predsjednik

Predsjedništva RBiH,
Alija Izetbegović, s. r.

123

Na osnovu Amandmana Li tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 13. marta 1993. godine, donijelo je

UREDBU

SA ZAKONSKOM SNAGOM O IZMJENAMA I DOPUNAMA ZAKONA O NAUČNOISTRAŽIVAČKOJ DJELATNOSTI

Član 1.

U Zakonu o naučnoistraživačkoj djelatnosti ("Službeni list RBiH", broj 38/90) u članu 9. u stavu 2. riječi: "društvenoj, zadružnoj, mješovitoj i privatnoj svojini" zamjenjuju se riječima: "svim oblicima svojine".

Stavovi 3. i 4. brišu se.

Član 2.

U članu 12. u stavu 3. riječi: "nadležni sud radi njenog brisanja iz sudskog registra" zamjenjuju se riječima: "osnivača i nadležni sud koji vodi sudski registar ustanova".

Član 3.

Član 13. mijenja se i glasi:

"Naučnom ustanovom upravlja upravni odbor, koji ima najmanje pet, a najviše devet članova.

Jedna trećina članova upravnog odbora imenuje se iz reda naučnih radnika zaposlenih u toj naučnoj ustanovi".

Član 4.

Član 14. briše se.

Član 5.

U članu 15. dodaje se novi stav 1, koji glasi:

"Naučnom ustanovom rukovodi direktor, koji se imenuje za vrijeme od četiri godine i može biti ponovo imenovan".

Dosadašnji stav 1. postaje stav 2.

Član 6.

U članu 16. stav 2. briše se.

Član 7.

Član 18. mijenja se i glasi:

"Pravila naučne ustanove, pored odredaba utvrđenih Uredbom sa zakonskom snagom o ustanovama ("Službeni list RBiH", broj 6/92), sadrže naročito odredbe o: sastavu, broju, uslovima i načinu izbora i razrješavanja članova naučnog vijeća; uslovima pod kojim je zainteresovanim licima dostupna naučna dokumentacija i drugi podaci sa kojima raspolaže naučna ustanova; načinu vrednovanja i objavljivanja rezultata naučnog rada.

Naučna ustanova opštim aktom utvrđuje mjere zaštite naučnoistraživačke infrastrukture u slučaju elementarnih nepogoda, za vrijeme ratnog stanja ili u slučaju neposredne ratne opasnosti".

Član 8.

U članu 30. u stavu 2. na kraju rečenice tačka se zamjenjuje zarezom i dodaju riječi: "uz saglasnost republičkog organa uprave nadležnog za poslove nauke".

Član 9.

U članu 34. u stavu 1. riječi: "pet naučnih" zamjenjuju se riječima: "tri naučna".

Član 10.

U članu 35. stav 1. u uvodnoj rečenici riječi: "10.000 do 20.000" zamjenjuju se riječima: "80.000 do 120.000".

U stavu 2. riječi: "1.000 do 5.000" zamjenjuju se riječima: "10.000 do 25.000".

Član 11.

U članu 39. u stavu 1. riječi: "do 31. decembra 1992. godine" zamjenjuju se riječima: "u roku od šest mjeseci od prestanka ratnog stanja".

Član 12.

U članu 45. broj "1992." zamjenjuje se brojem "1993".

Iza stava 1. dodaje se novi stav 2, koji glasi:

"Za vrijeme ratnog stanja ne teku rokovi za ponovni izbor u isto naučno zvanje, ako je to povoljnije za naučnog radnika".

Član 13.

U članu 7. u st. 1. i 2. i članu 29. riječ: "Socijalistička" u različitim padežima, briše se.

Član 14.

Naučne ustanove dužne su da donesu pravila ustanove i asklade druge opšte akte s odredbama ove uredbe i Uredbe sa zakonskom snagom o ustanovama, u roku od dva mjeseca od dana stupanja na snagu ove uredbe.

Član 15.

Ova uredba stupa na snagu danom objavljivanja u "Službenom listu RBiH".

PR broj 1463/93
13. marta 1993. godine
Sarajevo

Predsjednik
Predsjedništva RBiH,
Alija Izetbegović, s. r.

124

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Štaba Vrhovne komande oružanih snaga Republike Bosne i Hercegovine, donosi

UREDBU SA ZAKONSKOM SNAGOM O IZMJENAMA UREDBE SA ZAKONSKOM SNAGOM O ORGANIZACIJI REPUBLIČKE UPRAVE

Član 1.

U Uredbi sa zakonskom snagom o organizaciji republičke uprave ("Službeni list RBiH", br. 18/92 i 21/92), u članu 6. stav 2. briše se.

Član 2.

Ova uredba stupa na snagu danom objavljivanja u "Službenom listu RBiH".

PR broj 1460/93
13. marta 1993. godine
Sarajevo

Predsjednik
Predsjedništva RBiH,
Alija Izetbegović, s. r.

125

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 13. marta 1993. godine, donijelo je

UREDBU SA ZAKONSKOM SNAGOM O NOVINSKOJ AGENCIJI BOSNE I HERCEGOVINE

Član 1.

Radi obavljanja novinsko-agencijskih poslova od značaja za Republiku Bosnu i Hercegovinu (u daljem tekstu: Republika) Skupština Republike Bosne i Hercegovine (u daljem tekstu: Skupština) osniva javno preduzeće u državnoj svojini - Novinsku agenciju Bosne i Hercegovine pod nazivom BH-PRESS (u daljem tekstu: Novinska agencija).

Član 2.

Sjedište Novinske agencije je u Sarajevu.

Član 3.

Novinska agencija ima svojstvo pravnog lica.

Član 4.

Zvaničan znak Novinske agencije je grb Republike Bosne i Hercegovine štastog oblika plave boje, podijeljen na dva polja dijagonalnom gredom bijele boje sa po tri ljiljana zlatno-zute boje u svakom polju.

Član 5.

Na Novinsku agenciju primjenjuju se propisi koji se odnose na javna preduzeća, ako ovom uredbom nije drugačije određeno.

Član 6.

Novinska agencija osniva svoja dopisništva u drugim mjestima na teritoriji Republike i u inostranstvu.

Član 7.

Djelatnost Novinske agencije je objektivno informisanje domaće i inostrane javnosti, a naročito:

- prikupljanje, obrada i distribucija informacija o privrednim, političkim, kulturnim, sportskim i drugim događajima i pojavama u Republici i inostranstvu,

- saradnja sa domaćim i inostranim informativnim organizacijama,

- prikupljanje, obrada i distribucija informacija o člancima odnosno emisijama domaćih i inostranih javnih glasila o događajima u Republici i inostranstvu,

- izdavanje publikacija za informisanje domaće i inostrane javnosti i svih zainteresovanih lica,

- obezbjeđivanje uslova za obavljanje poslova stranim novinarima u Republici telefonske (fax, telex, telefax, radio i TV veze i slično),

- prezentacija informacija o inostranim, političkim, privrednim, kulturnim i drugim događajima i subjektima domaćoj javnosti,

- obavljanje marketinških poslova, koji se odnose na promociju Republike (zastave, grbovi, značke i drugi simboli),

- organizuje nastupe i prezentaciju političkih stranaka, ustanova, državnih organa, kulturnih i naučnih institucija, akademija, društava, udruženja, privrednih i izdavačkih preduzeća i drugih pravnih i fizičkih lica, koji zato imaju interes pred domaćim i stranim novinarima,

- po ovlaštenju republičkih državnih organa priprema, izdaje, distribuira i vrši promet obrazaca, formulara i publikacija potrebnih za rad organa uprave,

- vršenje drugih poslova u skladu sa ovom uredbom i statutom.

Član 8.

Novinska agencija za obavljanje osnovne djelatnosti ima organizacione jedinice kojima rukovode direktori.

Član 9.

Blže odredbe o radu Novinske agencije sadrži statut Novinske agencije.

Saglasnost na statut iz stava 1. ovog člana daje Skupština Republike Bosne i Hercegovine.

Član 10.

Imovinu Novinske agencije čini nepokretna i pokretna imovina, novac i prava koje Novinska agencija stiče svojim poslovanjem.

Član 11.

Novinska agencija stiče sredstva poslovanjem, donacijama, iz republičkog budžeta - na osnovu godišnjeg programa rada, kao i iz drugih izvora.

Član 12.

Organ upravljanja u Novinskoj agenciji je upravni odbor. Članove upravnog odbora imenuje Skupština. Sastav, način imenovanja članova upravnog odbora, trajanje mandata, način rada upravnog odbora uređuje se statutom Novinske agencije.

Član 13.

Upravni odbor ima najmanje pet članova. Upravni odbor bira predsjedavajućeg i zamjenika predsjedavajućeg upravnog odbora.

Član 14.

Članovi upravnog odbora biraju se na vrijeme od četiri godine i mogu biti ponovo birani.

Član 15.

Upravni odbor sastaje se najmanje četiri puta godišnje.

Član 16.

Upravni odbor:

- utvrđuje razvojnu i poslovnu politiku,
- odlučuje o programu rada, ciljevima i planovima razvoja,
- odlučuje o raspodjeli i upotrebi dobiti i o pokrivanju gubitaka,
- odlučuje o smanjenju i povećanju osnivačkog kapitala,
- usvaja izvještaje o poslovanju i godišnji obračun,
- imenuje i razrješava direktore organizacionih jedinica,
- imenuje i razrješava glavnog i odgovornog urednika i njegovog zamjenika, na osnovu javnog konkursa,
- donosi statut i akt o unutrašnjoj organizaciji,

- daje upute i smjernice za rad generalnog direktora i direktora organizacionih jedinica, kao i drugih rukovodnih radnika,
- utvrđuje etički kodeks,
- odlučuje o drugim pitanjima u skladu sa statutom Novinske agencije.

Član 17.

Organ rukovođenja u Novinskoj agenciji je generalni direktor.

Generalnog direktora imenuje i razrješava upravni odbor, na osnovu javnog konkursa, uz saglasnost skupštine Republike Bosne i Hercegovine.

Član 18.

Izuzetno, za vrijeme ratnog stanja ili u slučaju neposredne ratne opasnosti, direktora i upravni odbor Novinske agencije imenuje i razrješava Skupština Republike Bosne i Hercegovine.

Član 19.

Generalni direktor:

- predlaže osnove poslovne politike, planove i programe razvoja,
- organizuje i rukovodi procesom rada i vodi poslovanje Novinske agencije,
- zastupa i predstavlja Novinsku agenciju,
- predlaže unutrašnju organizaciju Novinske agencije,
- postavlja i razrješava radnike sa posebnim ovlaštenjima,
- odlučuje o zasnivanju radnog odnosa sa novim radnicima i raspoređivanju radnika,
- podnosi izvještaj o poslovanju i godišnji obračun,
- stara se o zakonitosti rada,
- vrši i druge poslove određene zakonom i statutom.

Član 20.

Glavni i odgovorni urednik:

- brine o ostvarivanju utvrđene uređivačke politike Novinske agencije,
- organizira stručni dio posla i rukovodi radom redakcije,
- neposredno vrši poslove uređivanja,
- prati i analizira ostvarivanje uređivačke politike i predlaže mjere za unapređenje,
- odgovoran je za izradu i sprovođenje stručnog dijela programa rada.

Član 21.

Statut Novinske agencije sadrži naročito odredbe o:

- nazivu i sjedištu Novinske agencije,
- djelatnosti Novinske agencije,
- imovini Novinske agencije,
- načinu raspoređivanja sredstava sa kojima raspolaže Novinska agencija,
- radu organizacionih jedinica Novinske agencije,
- imenovanju i razrješavanju generalnog direktora, glavnog i odgovornog urednika i njegovog zamjenika i direktora organizacionih jedinica,
- odgovornosti Novinske agencije u pravnom prometu,
- nadležnosti, načinu izbora, radu i odlučivanju upravnog odbora Novinske agencije, odnosno drugih organa upravljanja,
- opštim aktima koji se donose u Novinskoj agenciji,
- načinu ostvarivanja javnosti rada i informisanja članova i radnika Novinske agencije.

Član 22.

Novinska agencija organizovaće se i počće da radi u skladu sa ovom uredbom najdalje u roku od šest mjeseci od dana stupanja na snagu ove uredbe.

Član 23.

Dosadašnja imovina Novinske agencije Bosne i Hercegovine smatraće se imovinom Novinske agencije kao javnog preduzeća u državnoj svojini.

Član 24.

Ova uredba služi kao osnivački akt na osnovu kojeg će se izvršiti upis Novinske agencije u sudski registar.

Član 25.

Danom stupanja na snagu ove uredbe prestaje da važi Uredba sa zakonskom snagom o Novinskoj agenciji Bosne i Hercegovine ("Službeni list RBiH", broj 2/92).

Član 26.

Ova uredba stupa na snagu danom objavljivanja u "Službenom listu RBiH".

PR broj 1462/93
13. marta 1993. godine
Sarajevo

Predsjednik
Predsjedništva RBiH,
Alija Izetbegović, s. r.

126

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine od 26. decembra 1992. godine, donijelo je

ODLUKU

O RAZRJEŠENJU I IMENOVANJU PREDSEDNIKA POSLOVODNOG ODBORA RADIO-TELEVIZIJE BOSNE I HERCEGOVINE

I

Razrješava se dužnosti predsjednika Poslovnog odbora Radio-televizije Bosne i Hercegovine Mehmed Agović.

II

Za predsjednika Poslovnog odbora Radio-televizije Bosne i Hercegovine imenuje se Mufid Memija.

III

Ovu odluku objaviti u "Službenom listu RBiH".

Broj 02-111-927/92
26. decembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

127

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine od 26. decembra 1992. godine, donijelo je

ODLUKU

O RAZRJEŠENJU I IMENOVANJU GLAVNOG UREDNIKA TELEVIZIJE BOSNE I HERCEGOVINE

I

Razrješava se dužnosti glavnog urednika Televizije Bosne i Hercegovine Nedim Lončarević.

II

Za glavnog urednika Televizije Bosne i Hercegovine imenuje se Zdenko Vranješ.

III

Ovu odluku objaviti u "Službenom listu RBiH".

Broj 02-111-928/92
26. decembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

128

Na osnovu člana 15. stav 1. Uredbe sa zakonskom snagom o vršenju inostranih poslova ("Službeni list RBiH", broj 19/92), na prijedlog Vlade Republike Bosne i Hercegovine, Predsjedništvo Republike Bosne i Hercegovine, na sjednici od 19. januara 1993. godine, donijelo je

ODLUKU**O POSTAVLJENJU AMBASADORA REPUBLIKE BOSNE I HERCEGOVINE U REPUBLICI HRVATSKOJ****I**

Postavlja se dr. BISERA TURKOVIĆ za ambasadora Republike Bosne i Hercegovine u Republici Hrvatskoj, sa sjedištem u Zagrebu.

II

Ovu odluku objaviti u "Službenom listu RBiH".
PR broj 1401/93 Predsjednik
19. januara 1993. godine Predsjedništva RBiH,
Sarajevo Alija Izetbegović, s. r.

129

Na osnovu člana 15. stav 1. Uredbe sa zakonskom snagom o vršenju inostranih poslova ("Službeni list RBiH", broj 19/92), na prijedlog Vlade Republike Bosne i Hercegovine, Predsjedništvo Republike Bosne i Hercegovine, na sjednici od 22. januara 1993. godine, donijelo je

ODLUKU**O POSTAVLJENJU AMBASADORA REPUBLIKE BOSNE I HERCEGOVINE U REPUBLICI SLOVENIJI****I**

Postavlja se UGLJEŠA UZELAC za ambasadora Republike Bosne i Hercegovine u Republici Sloveniji.

II

Ovu odluku objaviti u "Službenom listu RBiH".
PR broj 1405/93 Predsjednik
22. januara 1993. godine Predsjedništva RBiH,
Sarajevo Alija Izetbegović, s. r.

130

Na osnovu člana 15. stav 1. Uredbe sa zakonskom snagom o vršenju inostranih poslova ("Službeni list RBiH", broj 19/92), na prijedlog Vlade Republike Bosne i Hercegovine, Predsjedništvo Republike Bosne i Hercegovine, na sjednici od 22. januara 1993. godine, donijelo je

ODLUKU**O POSTAVLJENJU AMBASADORA REPUBLIKE BOSNE I HERCEGOVINE U ISLAMSKOJ REPUBLICI PAKISTAN****I**

Postavlja se SADŽIDA SILAJDŽIĆ za ambasadora Republike Bosne i Hercegovine u Islamskoj Republici Pakistan.

II

Ovu odluku objaviti u "Službenom listu RBiH".
PR broj 1407/93 Predsjednik
22. januara 1993. godine Predsjedništva RBiH,
Sarajevo Alija Izetbegović, s. r.

131

Na osnovu člana 15. stav 1. Uredbe sa zakonskom snagom o vršenju inostranih poslova ("Službeni list RBiH", broj 19/92), na prijedlog Vlade Republike Bosne i Hercegovine, Predsjedništvo Republike Bosne i Hercegovine, na sjednici od 22. januara 1993. godine, donijelo je

ODLUKU**O POSTAVLJENJU AMBASADORA REPUBLIKE BOSNE I HERCEGOVINE U REPUBLICI TURSKOJ****I**

Postavlja se HAJRUDIN SOMUN za ambasadora Republike Bosne i Hercegovine u Republici Turskoj.

II

Ovu odluku objaviti u "Službenom listu RBiH".
PR broj 1408/93 Predsjednik
22. januara 1993. godine Predsjedništva RBiH,
Sarajevo Alija Izetbegović, s. r.

132

Na osnovu člana 12. Uredbe sa zakonskom snagom o odbrani ("Službeni list RBiH", broj 4/92), Predsjedništvo Republike Bosne i Hercegovine, na sjednici od 2. februara 1993. godine, donijelo je

ODLUKU**O IZMJENAMA I DOPUNAMA ODLUKE O OBRAZOVANJU VOJNOG SAVJETA****I**

U Odluci o obrazovanju Vojnog savjeta ("Službeni list RBiH", br. 10/92 i 16/92), tačka III mijenja se i glasi:
"Za sekretara Vojnog savjeta imenuje se Muharem Fetahagić, general iz Sarajeva".

II

Ovu odluku objaviti u "Službenom listu RBiH".
Broj 02-111-36/93 Predsjednik
2. februara 1993. godine Predsjedništva RBiH,
Sarajevo Alija Izetbegović, s. r.

133

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine na sjednici od 18. februara 1993. godine, donijelo je

ODLUKU**O IMENOVANJU DIREKTORA RADIO-TELEVIZIJE BOSNE I HERCEGOVINE****I**

Za direktora Radio-televizije Bosne i Hercegovine imenuje se MUFID MEMIJA.

II

Stupanjem na snagu ove odluke prestaje da važi tačka 2. Odluke o razrješenju i imenovanju predsjednika Poslovnog odbora Radio-televizije Bosne i Hercegovine ("Službeni list RBiH", broj 24/92).

III

Ova odluka stupa na snagu odmah i objaviće se u "Službenom listu RBiH".

Broj 02-111-82/93 Predsjednik
18. februara 1993. godine Predsjedništva RBiH,
Sarajevo Alija Izetbegović, s. r.

134

Na osnovu Amandmana LI tačka 5. stav 3. na Ustav Republike Bosne i Hercegovine i člana 1. Uredbe sa zakonskom snagom o dopunama Uredbe sa zakonskom snagom o obrazovanju i radu okruga, Predsjedništvo Republike Bosne i Hercegovine, na sjednici održanoj 24. februara 1993. godine, donijelo je

ODLUKU**O IZBORU PREDSJEDNIKA I ČLANOVA RATNOG PREDSJEDNIŠTVA SKUPŠTINE OPŠTINE HAN PIJESAK****I**

Za predsjednika Ratnog predsjedništva Skupštine opštine Han Pijesak, izabran je GLASIĆ ZUHDİJA.

II

Za članove Ratnog predsjedništva Skupštine opštine Han Pijesak, izabrani su:

1. PAŠALIĆ ČAMIL, potpredsjednik opštine,
2. OMERVIĆ MEDRET, za oružane snage,
3. BRKIĆ IBRAHIM, za javnu bezbjednost,
4. SELIMOVIC ŠAHIN, za poslove narodne odbrane,
5. DEALIĆ PAŠAGA, za finansije,
6. VRABAC MIRALEM, za privredu i snabdijevanje,
7. IMAMOVIC ASIM, za opštu upravu i društvene djelat-

nosti,

8. PINJIĆ SAKIB, za komandanta Štaba OS.

U cilju obezbjeđenja nacionalne zastupljenosti, Ratno predsjedništvo predloži izbor potrebnog broja članova Predsjedništva iz reda srpskog naroda.

III

Predsjedništvo Skupštine opštine Han Pijesak vršice funkciju u smislu člana 273. Ustava Republike Bosne i Hercegovine sve dokle dok se ne steknu uslovi za izbor Predsjedništva od strane legalnih organa Skupštine opštine Han Pijesak.

Predsjedništvo je dužno da u što kraćem roku svoje funkcije obavlja na području slobodnog dijela opštine i obezbijedi rad ostalih državnih organa, organizacija i ustanova.

IV

Ovu odluku objaviti u "Službenom listu RBiH".

Broj 02-111-91/93	Zamjenjuje predsjednika
24. februara 1993. godine	Predsjedništva RBiH,
Sarajevo	Ejup Ganić, s. r.

135

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici održanoj 25. februara 1993. godine, donijelo je

ODLUKU

O IZBORU POTPREDSJEDNIKA VLADE REPUBLIKE BOSNE I HERCEGOVINE

I

Za potpredsjednika Vlade Republike Bosne i Hercegovine izabran je mr HADŽO EFENDIĆ, iz Goražda.

II

Ovu odluku objaviti u "Službenom listu RBiH".

Broj 02-111-98/93	Zamjenjuje predsjednika
25. februara 1993. godine	Predsjedništva RBiH,
Sarajevo	Ejup Ganić, s. r.

136

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici održanoj 25. februara 1993. godine, donijelo je

ODLUKU

O IZBORU MINISTRA INFORMISANJA

I

Za ministra informisanja izabran je IVO KNEŽEVIĆ.

II

Ovu odluku objaviti u "Službenom listu RBiH".

Broj 02-111-99/93	Zamjenjuje predsjednika
25. februara 1993. godine	Predsjedništva RBiH,
Sarajevo	Ejup Ganić, s. r.

137

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici održanoj 25. februara 1993. godine, donijelo je

ODLUKU

O IZBORU ZAMJENIKA MINISTRA RADA I SOCIJALNE POLITIKE

I

Za zamjenika ministra rada i socijalne politike izabrana je SEDIKA OMERBEGOVIĆ.

II

Ovu odluku objaviti u "Službenom listu RBiH".

Broj 02-111-100/93	Zamjenjuje predsjednika
25. februara 1993. godine	Predsjedništva RBiH,
Sarajevo	Ejup Ganić, s. r.

138

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici održanoj 25. februara 1993. godine, donijelo je

ODLUKU

O IZBORU ZAMJENIKA MINISTRA OBRAZOVANJA, NAUKE, KULTURE I SPORTA

I

Za zamjenika ministra obrazovanja, nauke, kulture i sporta izabran je dr ENES DURAKOVIĆ.

II

Ovu odluku objaviti u "Službenom listu RBiH".

Broj 02-111-101/93	Zamjenjuje predsjednika
25. februara 1993. godine	Predsjedništva RBiH,
Sarajevo	Ejup Ganić, s. r.

139

Na osnovu člana 49. stav 2. Poslovnika Predsjedništva Republike Bosne i Hercegovine ("Službeni list RBiH", br. 37/91 i 5/92), Predsjedništvo Republike Bosne i Hercegovine na sjednici od 13. marta 1993. godine, donijelo je

ODLUKU

O IMENOVANJU GENERALNOG SEKRETARA PREDSJEDNIŠTVA REPUBLIKE BOSNE I HERCEGOVINE

I

Za generalnog sekretara Predsjedništva Republike Bosne i Hercegovine imenuje se ZDRAVKO DURIČIĆ, dosadašnji zamjenik generalnog sekretara Predsjedništva Republike Bosne i Hercegovine.

II

Odluku objaviti u "Službenom listu RBiH".

Broj 02-111-142/93	Predsjednik
13. marta 1993. godine	Predsjedništva RBiH,
Sarajevo	Alija Izetbegović, s. r.

140

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici održanoj 13. marta 1993. godine, donijelo je

ODLUKU**O RAZRJEŠENJU I IZBORU SUDIJA REDOVNIH
SUDOVA U TUZLI****I**

Razrješavaju se, na lični zahtjev, sudije Osnovnog suda u Tuzli RADOJČIĆ-KUNOSIĆ NERMINA i ABDULAHović AGAN, sa danom 1. martom 1993. godine.

II

Razrješava se, na lični zahtjev, sudija Osnovnog suda I u Sarajevu ARNAUT BORISA, sa danom 15. februara 1993. godine.

III

Za sudiju Višeg suda u Zenici bira se BEGIĆ REDŽIB, dosadašnji načelnik Centra službi bezbjednosti Zenica.

IV

Za sudiju Osnovnog suda u Tuzli bira se GULAMović ADNAN, dosadašnji stručni saradnik Osnovnog suda u Tuzli.

V

Ovu odluku objaviti u "Službenom listu RBiH".

Broj 02-111-128/93	Predsjednik
13. marta 1993. godine	Predsjedništva RBiH,
Sarajevo	Alija Izetbegović, s. r.

141

Na osnovu člana 11. Uredbe sa zakonskom snagom o okružnim vojnim tužilaštvima ("Službeni list RBiH", br. 12/92, 23/92) u vezi sa članom 20. Uredbe sa zakonskom snagom o okružnim vojnim sudovima ("Službeni list RBiH", br. 12/92, 23/92) na prijedlog ministra odbrane, Predsjedništvo Republike Bosne i Hercegovine, na sjednici od 13. marta 1993. godine, donijelo je

ODLUKU**O RAZRJEŠENJU I IMENOVANJU ZAMJENIKA
OKRUŽNIH VOJNIH TUŽILACA****I**

Razrješava se dužnosti zamjenika okružnog vojnog tužioca u Zenici VUČAK DAVORIN, radi samovoljnog napuštanja dužnosti.

II

Razrješava se dužnosti zamjenik okružnog vojnog tužioca u Doboju RUVIĆ GORAN, radi samovoljnog napuštanja dužnosti.

III

Za zamjenika okružnog vojnog tužioca u Okružno vojno tužilaštvo Zenica imenuje se HADŽISELIMović MURIS, diplomirani pravnik.

IV

Za zamjenika okružnog vojnog tužioca u Okružnom vojnom tužilaštvu u Doboju imenuje se BEŠIĆ REUF.

V

Ministarstvo odbrane regulisaće statusna i druga pitanja razriješenih i imenovanih zamjenika okružnog vojnog tužioca.

VI

Ovu odluku objaviti u "Službenom listu RBiH".

Broj 02-111-143/93	Predsjednik
13. marta 1993. godine	Predsjedništva RBiH,
Sarajevo	Alija Izetbegović, s. r.

142

Na osnovu Amandmana LI tačka 5. stav 3. na Ustav Republike Bosne i Hercegovine i člana 14. Zakona o univerzitetu ("Službeni list SRBiH", broj 39/90), Predsjedništvo Republike Bosne i Hercegovine na sjednici od 13. marta 1993. godine, donosi

ODLUKU**O IMENOVANJU KOMISIJE MATIČARA ZA
OSNIVANJE PEDAGOŠKE AKADEMIJE U BIHAĆU****I**

Imenuje se Komisija matičara za osnivanje Pedagoške akademije u Bihaću od sljedećih članova - profesora
dr Zvonimir Diklić - srpskohrvatski jezik,
dr Husejin Džanić - hemija,
dr Ivo Perina - metodika hemije,
dr Vicko Pekić - biologija,
dr Husein Pašagić - matematika,
dr Drago Pavličević - istorija.

II

Komisija je dužna da u roku od dva mjeseca podnese izvještaj iz člana 14. Zakona o univerzitetu.

III

Ova odluka stupa na snagu osmog dana od dana objavljivanja u "Službenom listu RBiH".

PR broj 1466/93	Zamjenjuje predsjednika
13. marta 1993. godine	Predsjedništva RBiH,
Sarajevo	Ejup Ganić, s. r.

143

Na osnovu člana 15. stav 1. Uredbe sa zakonskom snagom o vršenju inostranih poslova ("Službeni list RBiH", broj 19/92), na prijedlog Vlade Republike Bosne i Hercegovine, Predsjedništvo Republike Bosne i Hercegovine, na sjednici od 22. januara 1993. godine, donijelo je

ODLUKU**O POSTAVLJENJU AMBASADORA REPUBLIKE
BOSNE I HERCEGOVINE U ISLAMSKOJ REPUBLICI
IRAN****I**

Postavlja se OMER BEHMEN za ambasadora Republike Bosne i Hercegovine u Islamskoj Republici Iran.

II

Odluku objaviti u "Službenom listu RBiH".

PR broj 1410/93	Predsjednik
22. januara 1993. godine	Predsjedništva RBiH,
Sarajevo	Alija Izetbegović, s. r.

144

Na osnovu člana 49. stav 2. Poslovnika Predsjedništva Republike Bosne i Hercegovine ("Službeni list RBiH", br. 37/91 i 5/92), Predsjedništvo Republike Bosne i Hercegovine na sjednici od 13. marta 1993. godine, donijelo je

ODLUKU**O RAZRJEŠENJU SAVJETNIKA U PREDSEDNIŠTVU
REPUBLIKE BOSNE I HERCEGOVINE****I**

Razrješava se dužnosti republičkog savjetnika u Predsjedništvu Republike Bosne i Hercegovine HAJRUDIN SOMUN, radi odlaska na drugu dužnost.

II

Razrješava se dužnosti savjetnika u Predsjedništvu Republike Bosne i Hercegovine FIKRET MUSLIMović, radi odlaska na drugu dužnost.

III

Ovu odluku objaviti u "Službenom listu RBiH".

Broj 02-111-129/93	Predsjednik
13. marta 1993. godine	Predsjedništva RBiH,
Sarajevo	Alija Izetbegović, s. r.

145

Na osnovu Amandmana LI tačka 5. stav 3. na Ustav Republike Bosne i Hercegovine i člana 1. Uredbe sa zakonskom snagom o dopunama Uredbe sa zakonskom snagom o obrazovanju i radu okruga, Predsjedništvo Republike Bosne i Hercegovine, na sjednici od 13. marta 1993. godine, donijelo je

ODLUKU**O RAZRJEŠENJU I IZBORU PREDSEDNIKA I ČLANOVA RATNIH PREDSEDNIŠTAVA SKUPŠTINA OPŠTINA****I**

Razrješavaju se predsjednici i članovi ratnih predsjedništava skupština opština Prijedor, Banja Luka, Ključ, Mrkonjić Grad, Sanski Most, Skender Vakuf, Šipovo, Kotor Varoš, Bosanski Novi, Čajniče, Rudo, Srbac, Gacko i predsjednici Ratnog predsjedništva Skupštine opštine Jablanice i Skupštine opštine Konjic.

II

Za predsjednika i članove Ratnog predsjedništva Skupštine opštine PRIJEDOR, biraju se:

1. MEDUNJANIN ANES - predsjednik,
2. BEŠIĆ MUHAMED - potpredsjednik,
3. MAKIĆ HASAN - sekretar,
4. ČUSKIĆ FIKRET - komandant Opštinskog štaba odbrane,
5. MUJAGIĆ HUSEIN - komandant Štaba civilne zaštite,
6. POPOVIĆ DRAŠKO - član,
7. SEJMEHOVIĆ HAVA - član,
8. CRLJENKOVIĆ FERID - član,
9. BJELANOVIĆ ANTO - član.

III

Za predsjednika i članove Ratnog predsjedništva Skupštine opštine BANJA LUKA, biraju se:

1. HUSEINBAŠIĆ ATKO - predsjednik,
2. MAGLAJLIĆ SENAD - potpredsjednik,
3. OSMANČEVIĆ dr AMILA - član,
4. TRTO dr DENIS - član,
5. BILIĆ ZIJAD - član.

IV

Za predsjednika i članove Ratnog predsjedništva Skupštine opštine KLJUČ, biraju se:

1. HADŽIĆ, predsjednik,
2. SALIHOVIĆ MUSTAFA - potpredsjednik,
3. OMANOVIĆ EMIR - član,
4. MARUNČIĆ GROZDANA - član,
5. AVDIĆ AMIR - član,
6. PANIĆ MILENKO - član,
7. BAHTIJARAGIĆ DEDO - član,
8. DEDIĆ KEMAL - član,
9. HRNČIĆ ISMET - član.

V

Za predsjednika i članove Ratnog predsjedništva Skupštine opštine MRKONJIĆ GRAD, biraju se:

1. CERIĆ SULEJMAN - predsjednik,
2. ZAHIROVIĆ DŽEVAD - potpredsjednik,
3. KUNIĆ RAMIZ - sekretar,
4. HAGAROVIC RASIM - komandant Opštinskog štaba,
5. PEHLIVANOVIĆ MIRSAD - komandant Civilne zaštite,
6. SORO MUJO - član,
7. SARAJLIĆ OMER - član,
8. PRAŠALIĆ REZEK - član,
9. HEGANOVIĆ ASIM - član.

VI

Za predsjednika i članove Ratnog predsjedništva Skupštine opštine SANSKI MOST, biraju se:

1. HRNČIĆ AZEMIR - predsjednik,

2. KARABEG MIRZET - dopredsjednik,
3. ALAGIĆ MEHMED - član,
4. NALIĆ FARUK - član,
5. KARABEGOVIĆ NISVETA - član,
6. KARIĆ ENES - član,
7. BEČIREVIĆ MESUD - član,
8. KURBEGOVIĆ ESAD - član,
9. AGANOVIĆ AIDA - član,
10. FERHATOVIĆ MUSTAFA - član,
11. VRANIĆ MIRKO - član,
12. KURBEGOVIĆ SUAD - član,
13. KURSPAHIĆ KEMAL - član.

VII

Za predsjednika i članove Ratnog predsjedništva Skupštine opštine SKENDER VAKUF, biraju se:

1. ŠUŠIĆ SULEJMAN - predsjednik,
2. KRKIĆ NAZIF - potpredsjednik,
3. ČORBIĆ OSMAN - sekretar,
4. IMAMOVIĆ HIMZO - član,
5. ŠUŠIĆ ZIJAD - član,
6. REVLIĆ IRFAN - član,
7. BAJRAKTAREVIĆ SALKO - član.

VIII

Za predsjednika i članove Ratnog predsjedništva Skupštine opštine ŠIPOVO, biraju se:

1. RIBIĆ SAKIB - predsjednik,
2. VELIĆ ERMIN - sekretar,
3. ŠABIĆ RIJAD - član,
4. MEDILOVIĆ HUSEIN - član,
5. ČUNJELO ISMET - član,
6. SEFER SALEM - član,
7. BAHTIĆ MEDIHA - član.

IX

Za predsjednika i članove Ratnog predsjedništva Skupštine opštine KOTOR VAROŠ, biraju se:

1. MUMINOVIĆ NEDŽAD - predsjednik,
2. ARSENOVIĆ NIKOLA - potpredsjednik,
3. HADŽISELIMOVIĆ MURIS - sekretar,
4. SADIKOVIĆ MUHAMED - komandant Opštinskog štaba odbrane,
5. PAŠIĆ SAID - komandant Štaba civilne zaštite,
6. PLANINČIĆ RIFET - član,
7. KOVAČEVIĆ ZIJAD - član,
8. SKOPLJAK HAZIM - član.

X

Za predsjednika i članove Ratnog predsjedništva BOSANSKI NOVI, biraju se:

1. MIRZA MUFTIĆ - predsjednik,
2. IZET MUHAMEDAGIĆ - član,
3. MUSTAFA TANKOVIĆ - član,
4. EMIN PURIĆ - član,
5. ANTE MILINOVIĆ - član,
6. HASAN MURATAGIĆ - član,
7. HAJRUDIN CERić - član.

XI

Za predsjednika i članove Ratnog predsjedništva ČAJNIČE, biraju se:

1. MOČEVIĆ JUSUF - predsjednik,
2. HURIĆ HAMED - dopredsjednik,
3. NURIĆ MUNEVER - član,
4. ČOLAK DŽEVAD - član,
5. MEŠEVIĆ EKREM - član,
6. ČEHAJA JAKUB - član,
7. ALIHODŽIĆ IZET - član.

XII

Za predsjednika i članove Ratnog predsjedništva RUDO, biraju se:

1. BRAJANAC ABDEL - predsjednik,
2. PLJETO DŽEVAD - član,

3. LAGUMDŽIJA HAJRUDIN - član,
4. MEHANOVIĆ AHMED - član,
5. MURATOVIĆ SABIT - član,
6. ZUKO NEDŽAD - član,
7. DŽIHANIĆ ŠAČIR - član.

XIII

Za predsjednika Ratnog predsjedništva Skupštine opštine SRBAC, biraju se:

1. ABU ŠAFIJA dr ATIF - predsjednik,
2. ČAUŠEVIĆ SENAD - član,
3. HADŽIĆ ADEM - član.

XIV

Za predsjednika i članove Ratnog predsjedništva Skupštine opštine GACKO, biraju se:

1. DŽEVAD MEMIĆ - predsjednik,
2. IZET ŠKOBALJ - član,
3. SEJDO DŽAKO - član,
4. SAFET GREBOVIĆ - član,
5. SULJO FAZLAGIĆ - član,
6. DŽEMIL SARIĆ - član,
7. FARUK FAZLAGIĆ - član,
8. DERVIŠ BAŠIĆ - član,
9. MIRALEM ČAMPARA - član,
10. FAZLAGIĆ ISMET - član,
11. GREBOVIĆ AHMO - član,
12. ŠAKOVIĆ ŠUČRIJA - član,
13. DIZDAREVIĆ EDHEM, član.

XV

Za predsjednika Ratnog predsjedništva Skupštine opštine JABLANICA, bira se:
dr SAFET ČIBO.

XVI

Za predsjednika Ratnog predsjedništva Skupštine opštine KONJIC, bira se:
dr SAFET ČIBO.

XVII

U cilju obezbjeđenja nacionalne zastupljenosti ratnih predsjedništava skupština opština, Ratno predsjedništvo predložiće izbor potrebnog broja članova Predsjedništva iz reda srpskog i hrvatskog naroda.

XVIII

Ratna predsjedništva skupština opština vršiće funkciju u smislu odredaba člana 273. Ustava Republike BiH sve dotle dok se ne steknu uslovi za izbor predsjedništva od strane legalnih organa skupština opština.

XIX

Ratno predsjedništvo skupštine opštine je dužno u što kraćem roku da svoje funkcije obavlja na području slobodnog dijela svoje opštine i obezbijedi rad ostalih državnih organa, organizacija i ustanova.

XX

Stupanjem na snagu ove odluke prestaju da važe odluke o izboru predsjednika i članova ratnih predsjedništava skupština opština iz tačke I ove odluke.

XXI

Ovu odluku objaviti u "Službenom listu RBiH".

Broj 02-111-130/93 Predsjednik
13. marta 1993. godine Predsjedništva RBiH,
Sarajevo Alija Izetbegović, s. r.

146

Na osnovu čl. 1. i 4. Uredbe sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92), i člana 42. stav 2. zakona o zaštiti životinja od zaraznih bolesti koje ugrožavaju cijelu zemlju ("Službeni list SFRJ", br. 43/86 i 53/91), koji je preuzet kao republički zakon, Vlada Republike Bosne i Hercegovine, donosi

ODLUKU

O OSNIVANJU GRANIČNE VETERINARSKJE STANICE "AERODROM TUZLA" U TUZLI

I

Za obavljanje veterinarsko-sanitarnih pregleda i kontrole pošiljaka životinja, životinjskih proizvoda, životinjskih sirovina, životinjskih otpadaka, sjemena za vještačko osjemenjavanje životinja, oplodjenih jajnih ćelija za oplodavanje životinja i drugih predmeta kojima se može prenositi zarazna bolest, koje se uvoze, izvoze i provoze, osniva se Granična veterinarska stanica "Aerodrom Tuzla" u Tuzli.

II

Granična veterinarska stanica iz tačke I ove odluke je područna organizaciona jedinica Ministarstva poljoprivrede, prehrambene industrije i vodoprivrede.

III

Ova odluka stupa na snagu danom objavljivanja u "Službenom listu RBiH".

V broj 59/93

18. marta 1993. godine
Sarajevo

Potpredsjednik

Vlade RBiH,
dr Miodrag Simović, s. r.

147

Na osnovu člana 2. stav 1. Uredbe o načinu formiranja cijena određenih proizvoda i usluga ("Službeni list RBiH", br. 4/92, 5/92 i 7/92 i "Službeni list RBiH", broj 1/92), Vlada Republike Bosne i Hercegovine, donosi

RJEŠENJE

O DAVANJU SAGLASNOSTI NA CIJENE OSNOVNIH USLUGA U UNUTRAŠNEM POŠTANSKOM, TELEGRAFSKOM I TELEFONSKOM SAOBRAĆAJU

1. Daje se saglasnost Javnom preduzeću PTT saobraćaja Bosne i Hercegovine - Sarajevo da cijene osnovnih usluga u unutrašnjem poštanskom, telegrafskom i telefonskom saobraćaju, poveća u prosjeku za 449%.

2. Cijene PTT usluga iz tačke 1. ovog rješenja primjenjivat će se od 1. aprila 1993. godine.

3. Obavezuje se Javno preduzeće PTT saobraćaja BiH - Sarajevo da cjenovnik, usaglašen sa ovim rješenjem, dostavi Ministarstvu robnog prometa, poduzetništva i turizma, u roku od tri dana od dana početka primjene cijena utvrđenih ovim rješenjem.

4. Ovo rješenje objaviti u "Službenom listu RBiH".

V broj 58/93

18. marta 1993. godine
Sarajevo

Potpredsjednik

Vlade RBiH,
dr Miodrag Simović, s. r.

148

Na osnovu člana 22. stav 3. Uredbe sa zakonskom snagom o proizvodnji i prometu naoružanja i vojne opreme ("Službeni list RBiH", broj 11/92), Vlada Republike Bosne i Hercegovine, donosi

RJEŠENJE

O DAVANJU SAGLASNOSTI NA STATUT JAVNOG PREDUZEĆA ZA PROIZVODNJU I PROMET PROIZVODA S POSEBNOM NAMJENOM UNIS "PRETIS" SARAJEVO

1. Daje se saglasnost na Statut Javnog preduzeća za proizvodnju i promet proizvoda s posebnom namjenom UNIS "PRETIS" Sarajevo, broj 280/93, od februara 1993. godine.

2. Ovo rješenje objaviti u "Službenom listu RBiH".

V broj 64/93

18. marta 1993. godine
Sarajevo

Potpredsjednik

Vlade RBiH,
dr Miodrag Simović, s. r.

149

Na osnovu člana 22. stav 3. Uredbe sa zakonskom snagom o proizvodnji i prometu naoružanja i vojne opreme ("Službeni list RBiH", broj 11/92), Vlada Republike Bosne i Hercegovine, donosi

RJEŠENJE**O DAVANJU SAGLASNOSTI NA STATUT JAVNOG PREDUZEĆA ZA PROIZVODNJU NAORUŽANJA I VOJNE OPREME "TEHNIČKI REMONTNI ZAVOD HADŽIĆI", P. O. SARAJEVO**

1. Daje se saglasnost na Statut Javnog preduzeća za proizvodnju naoružanja i vojne opreme "Tehnički remontni zavod Hadžići", p. o. Sarajevo, broj 3-25/92.

2. Ovo rješenje objaviti u "Službenom listu RBiH".

V broj 65/93 Potpredsjednik
18. marta 1993. godine Vlade RBiH,
Sarajevo dr Miodrag Simović, s. r.

150

Na osnovu člana 23. Uredbe sa zakonskom snagom o proizvodnji i prometu naoružanja i vojne opreme ("Službeni list RBiH", broj 11/92), Vlada Republike Bosne i Hercegovine, donosi

RJEŠENJE**O DAVANJU SAGLASNOSTI NA PRAVILNIK O UNUTRAŠNJOJ ORGANIZACIJI JAVNOG PREDUZEĆA ZA PROIZVODNJU I PROMET PROIZVODA S POSEBNOM NAMJENOM UNIS "PRETIS" SARAJEVO**

1. Daje se saglasnost na Pravilnik o unutrašnjoj organizaciji Javnog preduzeća za proizvodnju i promet proizvoda s posebnom namjenom UNIS "PRETIS" Sarajevo, broj 281/93.

2. Ovo rješenje objaviti u "Službenom listu RBiH".

V broj 66/93 Potpredsjednik
18. marta 1993. godine Vlade RBiH,
Sarajevo dr Miodrag Simović, s. r.

151

Na osnovu člana 45. stav 4. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92), Vlada Republike Bosne i Hercegovine, donosi

RJEŠENJE**O IMENOVANJU INTERRESORNE GRUPE IZ PODRUČJA TELEKOMUNIKACIJA ZA ODNOS SA UNPROFOR-om**

1. Imenuje se interresorna grupa iz područja telekomunikacija za odnose sa UNPROFOR-om u sastavu:

- 1) KRISTIĆ DORDE, koordinator, ispred Ministarstva prometa i veza;
- 2) RAGIB ZILIĆ, član, ispred Ministarstva odbrane;
- 3) ZLATAN ŠEHOVIĆ, član, ispred Ministarstva unutrašnjih poslova;
- 4) MIROSLAV MOČINIĆ, član, ispred Javnog preduzeća Radio televizije Bosne i Hercegovine;
- 5) IZET BAJRAMBAŠIĆ, član, ispred Javnog preduzeća PTT saobraćaja BiH.

2. Zadatak interresorne grupe je da u saradnji sa UNPROFOR-om obezbjeđuje zaštitu i funkcioniranje telekomunikacionih sistema i poštanskog saobraćaja, a naročito pripreme za intervencije na otklanjanju kvarova na kablovskim i radio-relejnim sistemima, kao i zaštitu radio saobraćaja u radio frekvencijskom spektru Republike Bosne i Hercegovine.

3. Ovo rješenje dostavit će se nadležnom sektoru za veze UNPROFOR-a i Javnim preduzećima PTT saobraćaja BiH i Radio televizija Bosne i Hercegovine.

4. Ovo rješenje objaviti će se u "Službenom listu RBiH".

V broj 68/93 Potpredsjednik
13. marta 1993. godine Vlade RBiH,
Sarajevo dr Zlatko Lagumdžija, s. r.

Po izvršenom savjetovanju sa izvornim tekstom utvrđeno je da se u tekstu Uredbe sa zakonskom snagom o matičnim knjigama, koja je objavljena u "Službenom listu RBiH", broj 19/92 potkrala niže navedena greška, pa se daje

ISPRAVKA**UREDBE SA ZAKONSKOM SNAGOM O MATIČNIM KNJIGAMA**

Iza člana 43. treba da stoji član 44. koji glasi:

"Član 44.

Ovlašćuje se Vlada Republike Bosne i Hercegovine da donese bliže propise o vođenju matičnih knjiga u diplomatskim i konzularnim predstavništvima Republike u inostranstvu i o izdavanju izvoda i uvjerenja na osnovu tih matičnih knjiga".

Članovi 44. do 47. postaju članovi 45. do 48.

Broj 02-111-136/93 Generalni sekretar
13. marta 1993. godine Predsjedništva RBiH,
Sarajevo Zdravko Duričić, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 1, člana 395. Ustava Republike Bosne i Hercegovine i člana 72. tačka 1. i 4. Poslovnika Ustavnog suda Bosne i Hercegovine ("Službeni list SRBiH", broj 1/91), nakon javne rasprave, na sjednici održanoj 16. 4. 1992. godine, donio je

ODLUKU

Utvrđuje se da odredbe člana 30. Zakona o prevozu u drumskom saobraćaju ("Službeni list SRBiH", br. 37/82, 26/86, 36/87 i 33/89), u vrijeme važenja nisu bile u saglasnosti sa Ustavom Republike Bosne i Hercegovine.

Utvrđuje se da odredbe članova 33. i 38. Zakona o prevozu u drumskom saobraćaju ("Službeni list SRBiH", broj 22/90) nisu u saglasnosti sa Ustavom Republike Bosne i Hercegovine.

U smislu člana 395. Ustava Republike Bosne i Hercegovine ova odluka dostavlja se Skupštini Republike Bosne i Hercegovine.

Ova odluka objaviće se u "Službenom listu Republike Bosne i Hercegovine".

Obrazloženje

Predlogom Preduzeća putničkog saobraćaja "Autoprevoz" Banjaluka, od 22. 5. 1991. godine, pokrenut je postupak za ocjenjivanje ustavnosti navedenih odredaba Zakona o prevozu u drumskom saobraćaju iz 1982. i 1990. godine.

Odredbama člana 30. Zakona iz 1982. godine propisano je da ako u mjestu postoji autobuska stanica, prevoznici su dužni koristiti se tom stanicom (stav 1.). Organizacija udruženog rada koja je nosilac prava korišćenja stanice dužna je donijeti opšti akt kojim se utvrđuje naknada i drugi uslovi korišćenja stanice (stav 2.). Istim aktom mora se dati pravo korišćenja stanice svim prevoznicima pod jednakim uslovima, a akt dostaviti prevoznicima i objaviti na vidno mjesto u stanici (stav 2. i 3.). Za korišćenje stanice prevoznici su dužni zaključiti ugovor (stav 4.). Prevoznici su dužni pridržavati se opšteg akta i ugovora iz ovog člana, a stanica može naplaćivati usluge samo ako je to predviđeno opštim aktom odnosno ugovorom (stav 5. i 6.).

Osporenim odredbama Zakona iz 1990. godine propisano je da se ulazak i izlazak putnika vrši na autobuskim stanicama, odnosno autobuskim stajalištima upisanim u registrovani red

vožnje, da u naselju gdje postoji autobuska stanica prevoznici, odnosno samostalni privrednici dužni su se koristiti tom stanicom, izuzev u gradskom prevozu, a ulazak i izlazak putnika u međugradskom prevozu vrši se samo na toj stanici (član 33.). Autobuska stanica mora pod jednakim uslovima obezbijediti pružanje usluga svakom prevozniku, odnosno samostalnom privredniku koji u registrovanom redu vožnje ima upisanu tu stanicu, a uslovi i način korišćenja usluga, kao i visina naknade za izvršene usluge uređuju se ugovorom između autobuske stanice i prevoznika, odnosno samostalnog privrednika (član 38.).

Predlagač je mišljenja da su osporene zakonske odredbe u nesaglasnosti sa Ustavom zbog toga što autobuskim stanicama omogućavaju da samostalno diktiraju cijenu staničnih usluga, koju prevoznici moraju prihvatiti, jer su istim odredbama obavezani na njeno korišćenje. Pri tome navodi da prevoznici nisu u mogućnosti da biraju autobusku stanicu koja će im pružiti usluge, jer u naseljenim mjestima postoji samo jedna stanica. Na taj način autobuske stanice su u odnosu na prevoznike dovedene u monopolski položaj, što je u nesaglasnosti sa članom 284. Ustava Socijalističke Republike Bosne i Hercegovine.

Skupština Republike Bosne i Hercegovine u odgovoru na navode predloga ukazuje da su osporenim zakonskim odredbama prvenstveno željeli zaštititi putnike i omogućiti im da se na istom mjestu informišu o redu vožnje, započinju putovanje, čekaju i presijedaju na druge linije, što se ne bi moglo postići ako bi se putovanje započinjalo na autobuskim stajalištima. Također se navodi da osporenim zakonima nije limitiran broj autobuskih stanica u naselju, a kako su uz to, prema ospornim odredbama, stanice dužne da svim prevoznicima, pod jednakim uslovima, obezbijede pružanje usluga, uključujući i pitanja naknade, smatraju da one u odnosu na prevoznike nemaju monopolski položaj.

Ustavni sud je utvrdio da je osporeni Zakon o prevozu u dramskom saobraćaju iz 1982. godine ("Službeni list SRBiH", br. 37/82, 26/86, 36/87 i 33/88) prestao da važi stupanjem na snagu osporenog Zakona o prevozu u dramskom saobraćaju iz 1990. godine ("Službeni list SRBiH", broj 22/90).

Ustavom Republike Bosne i Hercegovine određeno je da se način korišćenja i upravljanja putevima, kao dobrima u opštoj upotrebi, uređuje zakonom (član 93. stav 5.); da su na jedinstvenom jugoslovenskom tržištu radni ljudi i organizacije udruženog rada ravnopravni u obavljanju djelatnosti i sticanju dohotka, na osnovu djelovanja zakonitosti tržišta i društvenog usmjerenja privrednog i društvenog razvoja i uskladjivanja odnosa na tržištu (član 284. stav 2.); da organizacije udruženog rada i njihove zajednice i udruženja, bez obzira na njihovo sjedište, posluju slobodno i ravnopravno na teritoriji Republike, u skladu sa propisima koji važe u mjestu njihovog poslovanja (član 285.); da ako se aktom organa društveno-političke zajednice narušava ustavom utvrđena ravnopravnost organizacija udruženog rada u sticanju dohotka na tržištu, istovremeno se aktom te društveno-političke zajednice utvrđuje i obezbjeđuje odgovarajuća kompenzacija, pod uslovima i na način koji su utvrđeni zakonom (Amendment XX tačka 6.) i da Republika preko republičkih organa, u okviru svojih prava i dužnosti utvrđenih ustavom, uređuje, između ostalog, saobraćaj i veze (član 304. stav 1. tačka 12.).

Polazeći od navedenih odredaba Ustava, Ustavni sud smatra da je Republika, uređujući prevoz u dramskom saobraćaju, mogla odrediti mjesto na kojima se vrši ulazak i izlazak putnika iz autobusa, a u okviru toga i obavezati prevoznike da se koriste autobuskom stanicom, ako ona postoji u mjestu, odnosno naselju. Međutim, prilikom normiranja ovih pitanja Republika je bila i obavezna da poštuje ustavni princip ravnopravnosti privrednih subjekata u sticanju dohotka na tržištu. Ovaj princip, po ocjeni Ustavnog suda, narušen je osporenim zakonskim odredbama, jer je autobuskim stanicama prepušteno da samostalno utvrđuju visinu naknade koju prevoznici plaćaju za korišćenje njenih usluga. Prevoznici su je obavezni prihvatiti

ukoliko žele da obavljaju djelatnost prevoza putnika u međugradskom saobraćaju, jer se prema osporenim odredbama ulazak i izlazak putnika može vršiti samo na autobuskoj stanici. Na taj način prevoznici su, bez obezbjeđenja odgovarajućih kompenzacija i bez svoje krivice, stavljeni u položaj da dohodak na tržištu stiču pod naredenim uslovima koje diktiraju autobuske stanice i na koje ne mogu uticati. Stoga ni ugovor, koji oni međusobno zaključuju, nije rezultat slobodnog i ravnopravnog odnosa privrednih subjekata na tržištu.

Iz navedenih razloga osporene zakonske odredbe, po ocjeni Ustavnog suda, nisu u saglasnosti sa Ustavom Republike Bosne i Hercegovine.

Na osnovu izloženog odlučeno je kao u dispozitivu ove odluke.

U broj 90/91
16. aprila 1992. godine
Sarajevo

Predsjednik
Ustavnog suda BiH,
dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 2, Ustava Republike Bosne i Hercegovine i člana 72. tačka 3. i 5. Poslovnika Ustavnog suda Bosne i Hercegovine ("Službeni list SRBiH", broj 1/91 i "Službeni list RBiH", broj 8/92), na sjednici održanoj 30. 6. 1992. godine, donio je

ODLUKU

Ukidaju se odredbe Odluke o utvrđivanju visine naknade za lokalne i nekategorisane puteve u opštini Srbac, koju je 8. 4. 1991. godine donijela Skupština opštine Srbac ("Službeni glasnik opštine Srbac", broj 4/91), i to: član 2. tačka 1. u dijelu koji glasi: "drumska motorna vozila", član 2. tačka 6. i 7, član 3. tačka 1, 2. i 3b, član 4. i 5. i član 8. u dijelu koji glasi: "a primjenjivaće se od 1. januara 1991. godine".

2. Odbija se predlog za ocjenjivanje ustavnosti i zakonitosti odredaba člana 1, člana 2. do 5, člana 3. tačka 3a. i članova 6. i 7. navedene odluke.

Ova odluka objaviće se u "Službenom listu RBiH" i u "Službenom glasniku opštine Srbac".

Obrazloženje

Predlogom Vlade Republike Bosne i Hercegovine, od 15. 11. 1991. godine, pokrenut je postupak za ocjenjivanje ustavnosti i zakonitosti navedene odluke, kojom je, između ostalog, propisano da su naknade za izgradnju, rekonstrukciju, održavanje, zaštitu i upravljanje lokalnim i nekategorisanim putevima: godišnja naknada za upotrebu puta koja se plaća na zaprežna vozila, drumska motorna vozila, traktore i njihova priključna vozila (član 2. tačka 1.); posebna naknada za upotrebu puta i određenih objekata na putu (tačka 2.); naknada za puteve koja se plaća za vanrednu upotrebu puta (tačka 3.); naknada za korišćenje zemljišta u putnom pojasu (tačka 4.); naknada za postavljanje natpisa u zaštitnom pojasu (tačka 5.); godišnja naknada za korišćenje poljoprivrednog zemljišta u društvenoj i individualnoj svojini (tačka 6.) i naknada za eksploataciju šljunka, pijeska i drugih mineralnih sirovina (tačka 7.). Odlukom je, nadalje, u članu 3. propisana visina godišnje naknade za upotrebu puta koja se plaća za drumska motorna vozila za prevoz robe i drugih tereta (tačka 1.); za drumska vozila za prevoz putnika (tačka 2.); za traktore (tačka 3a.) i za motore i motocikle (tačka 3b.); a članovima 4. i 5. visina godišnje naknade za korišćenje poljoprivrednog zemljišta i za eksploataciju šljunka, pijeska i drugih mineralnih sirovina. Članom 6. je propisano da će se visina naknade iz tačke 2, 3, 4. i 5. člana 2. Odluke utvrđivati za svaki slučaj posebno, a članom 8. da Odluka stupa na snagu osmog dana od dana objavljivanja u "Službenom glasniku opštine Srbac" i da će se primjenjivati od 1. januara 1991. godine.

Predlagač je mišljenja da Skupština opštine Srbac za donošenje osporene odluke nije imala ustavni i zakonski osnov.

Prema Ustavu Republike Bosne i Hercegovine način korišćenja i upravljanja putevima, kao dobrima u opštoj upotrebi, uređuje se zakonom (član 93. stav 5.).

Zakonom o putevima ("Službeni list SRBiH", broj 10/90) propisano je da se sredstva za izgradnju, rekonstrukciju, održavanje i zaštitu puteva obezbjeđuju između ostalog, iz godišnje naknade za upotrebu puta koja se plaća za motorna i priključna vozila, čiju visinu utvrđuje Izvršno vijeće (član 61. tačka 2. i član 63. stav 2.); godišnje naknade za upotrebu puta koja se plaća na zaprežna vozila, traktore i njihova priključna vozila, čiju visinu utvrđuje skupština opštine (član 61. tačka 4. i član 63. stav 3.); posebne naknade za upotrebu puta i određenih objekata na putu, naknade za puteve koja se plaća za vanrednu upotrebu puta, naknada za korišćenje zemljišta u putnom pojasu i naknade za postavljanje natpisa u zaštitnom pojasu, čiju visinu za magistralne i regionalne puteve utvrđuje Republički fond za puteve, a za lokalne opštinski fond za puteve, odnosno opština (član 61. tačka 6, 8, 9. i 10. i član 63. stav 5. u vezi sa članom 56. stav 1.).

Iz navedenog proizilazi da je za utvrđivanje visine godišnje naknade za upotrebu puta koja se plaća za motorna i priključna vozila nadležno Izvršno vijeće, odnosno Vlada Republike BiH, a ne skupština opštine. Stoga su odredbe člana 2. tačka 1. u dijelu koji glasi: "drumska motorna vozila", kao i odredbe člana 3. tačka 1, 2. i 3b. Odluke, po ocjeni Ustavnog suda, u nesaglasnosti sa Ustavom i zakonom.

Osim toga, Zakon o putevima, a ni drugi zakoni ne daju mogućnost da se sredstva za izgradnju, rekonstrukciju i održavanje puteva obezbjeđuju iz godišnje naknade za korišćenje poljoprivrednog zemljišta i naknade za eksploataciju mineralnih sirovina, pa su i odredbe člana 2. tačka 6. i 7. i članovi 4. i 5. Odluke u nesaglasnosti sa Ustavom i zakonom.

Ustavom Republike Bosne i Hercegovine je određeno da zakoni i drugi propisi i opšti akti organa društveno-političkih zajednica ne mogu imati povratno dejstvo i da se samo zakonom može odrediti da pojedine njegove odredbe, ako to zahtijeva opšti interes, imaju povratno dejstvo (član 221. stav 1. i 2.).

Kako je osporena odluka donesena 8. 4. 1991. godine, to polazeći od navedenih ustavnih odredaba u članu 8. Odluke nije moglo biti propisano da će se Odluka primjenjivati od 1. 1. 1991. godine. Stoga je ova odredba, po ocjeni Ustavnog suda, u nesaglasnosti sa Ustavom.

Ustavni sud je odbio predlog za ocjenjivanje ustavnosti i zakonitosti ostalih odredaba Odluke, jer je članom 63. stav 3. Zakona o putevima skupština opštine ovlašćena da utvrđuje visinu godišnje naknade za upotrebu puta koja se plaća na zaprežna vozila, traktore i njihova priključna vozila, a članom 63. stav 5. visinu posebne naknade za upotrebu puta i određenih objekata na putu, naknada koje se plaćaju za vanrednu upotrebu puta, za korišćenje zemljišta u putnom pojasu i za postavljanje natpisa u zaštitnom pojasu. Pri tome je Sud imao u vidu da se prema članu 1. Odluke iz utvrđenih naknada finansira izgradnja, rekonstrukcija, održavanje, zaštita i upravljanje lokalnim putevima na području opštine Srbac, kao i da Odlukom nije precizirano u kojim se slučajevima plaća posebna naknada za upotrebu puta i određenih objekata na putu, već je članom 6. upućeno da će se to utvrditi posebnim propisom.

Na osnovu izloženog odlučeno je kao u dispozitivu ove odluke.

U broj 190/91
30. juna 1992. godine
Sarajevo

Predsjednik
Ustavnog suda BiH,
dr Ismet Dautbašić, s. r.

Ustavni sud Bosne i Hercegovine, na osnovu člana 395. Ustava Republike Bosne i Hercegovine i člana 72. tačka 2. Poslovnika Ustavnog suda Bosne i Hercegovine ("Službeni list SRBiH", broj 1/91 i "Službeni list RBiH", broj 8/92), na sjednici održanoj 30. 7. 1992. godine, donio je

ODLUKU

Utvrđuje se da odredbe člana 1. stav 2. i 3, člana 3. stav 2. i člana 13a. Zakona o objavljivanju republičkih zakona i drugih republičkih propisa i opštih akata ("Službeni list SRBiH", br. 15/77 i 7/82), prestaju da važe.

Ova odluka objaviće se u "Službenom listu RBiH".

Obrazloženje

Ustavni sud Bosne i Hercegovine, Odlukom U broj 27/91, od 28. 11. 1991. godine ("Službeni list SRBiH", broj 38/91), utvrdio je da odredbe člana 1. stav 2. i 3, člana 3. stav 2. i člana 13a. Zakona o objavljivanju republičkih zakona i drugih republičkih propisa i opštih akata nisu u saglasnosti sa Ustavom.

Navedenim odredbama Zakona propisano je da se propisi i drugi opšti akti Skupštine SRBiH i Izvršnog vijeća Skupštine SRBiH, propisi funkcionera koji rukovode republičkim organima uprave i republičkim upravnim organizacijama i propisi republičkih komiteta, koji sadrže podatke čije bi objavljivanje bilo u suprotnosti sa interesima bezbjednosti i odbrane zemlje i drugim društvenim interesima utvrđenim zakonom, za koje to odredi njihov donosilac, objavljuju u posebnom službenom glasilu Socijalističke Republike Bosne i Hercegovine (član 1. stav 2. i 3.); da se u istom glasilu objavljuju i propisi i drugi akti Narodne banke Bosne i Hercegovine i Službe društvenog knjigovodstva u Socijalističkoj Republici Bosni i Hercegovini, Samoupravne interesne zajednice Bosne i Hercegovine za ekonomske odnose sa inostranstvom i Privredne komore Bosne i Hercegovine, koji takode sadrže podatke čije bi objavljivanje bilo u suprotnosti sa interesima bezbjednosti i odbrane zemlje i drugim društvenim interesima utvrđenim zakonom, ako se tim aktima na osnovu ovlašćenja iz republičkog zakona uređuju prava i obaveze organizacija udruženog rada i drugih samoupravnih organizacija i zajednica (član 3. stav 2.) i da propise kojima se određuju uslovi i način izdavanja i korišćenja Posebnog službenog glasila donosi Izvršno vijeće Skupštine SRBiH (član 13a.).

Odluka je 26. 12. 1991. godine dostavljena Skupštini Republike Bosne i Hercegovine, od kada je, u smislu stava 2. člana 395. Ustava, počeo teći rok od šest mjeseci za usklađivanje osporenih odredaba Zakona sa Ustavom. Pošto u Ustavom određenom roku Skupština nije uskladila odredbe člana 1. stav 2. i 3, člana 3. stav 2. i člana 13a. Zakona sa Ustavom, Ustavni sud je, saglasno članu 395. stav 4. Ustava Republike Bosne i Hercegovine, donio odluku kao u dispozitivu.

U broj 27/91
30. jula 1992. godine
Sarajevo

Predsjednik
Ustavnog suda BiH,
dr Ismet Dautbašić, s. r.

Ustavni sud Bosne i Hercegovine, na osnovu člana 395. Ustava Republike Bosne i Hercegovine i člana 72. tačka 2. Poslovnika Ustavnog suda Bosne i Hercegovine ("Službeni list SRBiH", broj 1/91 i "Službeni list RBiH", broj 8/92), na sjednici održanoj 23. 7. 1992. godine, donio je

ODLUKU

Utvrđuje se da odredbe člana 36. stav 1. i člana 37. stav 3. i 4. Zakona o igrama na sreću i Lutriji Bosne i Hercegovine ("Službeni list SRBiH", br. 5/84, 6/87 i 17/89), prestaju da važe.

Ova odluka objaviće se u "Službenom listu RBiH".

Obrazloženje

Ustavni sud Bosne i Hercegovine, Odlukom U broj 128/90, od 8. 10. 1991. godine ("Službeni list SRBiH", broj 35/91), utvrdio je da odredbe člana 36. stav 1. i člana 37. stav 3. i 4. Zakona o igrama na sreću i Lutriji Bosne i Hercegovine nisu u saglasnosti sa Ustavom.

Navedenim odredbama Zakona propisano je da radni ljudi koji samostalno obavljaju djelatnost ličnim radom sredstvima rada u svojini građana, građani i građanska pravna lica ne mogu držati niti stavljati u upotrebu automate za igre na sreću (član 36. stav 1.); da igračnice otvorenog tipa može osnovati samo Lutrija Bosne i Hercegovine u posebno uređenim prostorijama za tu svrhu (član 37. stav 3.), a igračnice zatvorenog tipa Lutrije Bosne i Hercegovine, organizacije udruženog rada čija je osnovna djelatnost priređivanje igara na sreću, te ugostiteljske i turističke organizacije udruženog rada (član 37. stav 4.).

Odluka je 13. 11. 1991. godine dostavljena Skupštini Republike Bosne i Hercegovine, od kada je, u smislu stava 2. člana 395. Ustava Republike Bosne i Hercegovine, počeo teći rok od šest mjeseci za usklađivanje osporenih odredaba Zakona sa Ustavom. Pošto u Ustavom određenom roku Skupština nije uskladila odredbe člana 36. stav 1. i člana 37. stav 3. i 4. Zakona sa Ustavom, Ustavni sud je, saglasno članu 395. stav 4. Ustava Republike Bosne i Hercegovine, donio odluku kao u dispozitivu.

U broj 128/90
23. jula 1992. godine
Sarajevo

Predsjednik
Ustavnog suda BiH,
dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine, člana 18. stav 1. tačka 5. i člana 72. tačka 3. i 5. Poslovnika Ustavnog suda Bosne i Hercegovine ("Službeni list SRBiH", broj 1/91), na sjednici održanoj 16. 4. 1992. godine, donio je

ODLUKU

1. Ukidaju se:

- Tarifa komunalnih taksa, koju je 31. 1. 1991. godine donio Izvršni odbor opštine Mrkonjić-Grad ("Službeni glasnik opštine Mrkonjić-Grad", broj 1/91);

- odredba člana 1. tarifni broj 3. Odluke o izmjeni i dopuni Odluke o komunalnim taksama, koju je 26. 4. 1991. godine donijela Skupština opštine Jajce ("Službeni glasnik opštine Jajce", broj 3/91), u dijelu koji glasi: "u objektima ili van objekata" i odredba člana 3. iste odluke u dijelu koji glasi: "a primjenjivaće se od 1. januara 1991. godine";

- odredba člana 2. Odluke o izmjeni i dopuni Tarife komunalnih taksa, koju je 10. 5. 1991. godine donijela Skupština opštine Prnjavor ("Službeni glasnik opštine Prnjavor", broj 4/91), u dijelu koji glasi: "a primjenjivaće se od 1. 6. 1991. godine" i

- odredba člana 3. Odluke o izmjenama Odluke o komunalnim taksama, koju je 7. 3. 1991. godine donijela Skupština opštine Skender Vakuf ("Službeni glasnik opštine Skender Vakuf", broj 2/91), u dijelu koji glasi: "a primjenjivaće se od 1. 1. 1991. godine".

2. Odbija se prijedlog za ocjenjivanje ustavnosti i zakonitosti odredaba:

- tarifnog broja 3. alineje 5. navedene odluke Skupštine opštine Prnjavor;

- člana 1. stav 1. tačka 6. navedene odluke Skupštine opštine Skender Vakuf;

- člana 1. Odluke o izmjeni i dopuni Odluke o opštinskim komunalnim taksama, koju je 21. 6. 1991. godine donijela Skupština opštine Srbac ("Službeni glasnik opštine Srbac", broj 7/91);

- tarifnog broja 3. alineja 6. Tarife komunalnih taksa koje se plaćaju na području opštine Titov Drvar, koja je sastavni dio Odluke Skupštine opštine Titov Drvar o komunalnim taksama, od 25. 1. 1991. godine ("Službeni glasnik opštine Titov Drvar", broj 1/91) i

- tarifnog broja 3. tačka 4. Tarife komunalnih taksa koja je sastavni dio Odluke Skupštine opštine Ključ o komunalnim taksama, od 16. 5. 1991. godine ("Službeni glasnik opštine Ključ", broj 3/91).

3. Odbacuje se prijedlog za ocjenjivanje ustavnosti i zakonitosti odredbe člana 1. tarifnog broja 4. alineja 2. Odluke o izmjenama i dopunama Odluke o komunalnim taksama, koju je 26. 4. 1991. godine donijela Skupština opštine Šipovo.

Ova odluka objaviće se u "Službenom listu RBiH" i u službenim glasilima opština Jajce, Ključ, Mrkonjić-Grad, Prnjavor, Skender Vakuf, Srbac, Šipovo i Titov Drvar.

O b r a z l o ž e n j e

Prijedlogom Mješovitog preduzeća "Las Vegas" iz Beograda od 24. 6. 1991. godine, pokrenut je postupak za ocjenjivanje ustavnosti i zakonitosti odredbe tarifnog broja 4. alineja 1.

Tarife komunalnih taksa, koju je donio Izvršni odbor opštine Mrkonjić-Grad, te odredaba opštih akata navedenih u tačkama 2. i 3. dispozitiva ove odluke. Osporenim odredbama propisana je komunalna taksa u određenom iznosu: za držanje automata i elektronskih uredaja za igre na sreću (Mrkonjić-Grad, Skender Vakuf, Srbac i Ključ), za držanje pokera i admiral aparata i drugih uredaja za igre na sreću (Prnjavor, Titov Drvar i Šipovo) i za držanje automata i elektronskih uredaja za igre na sreću "u objektima ili van objekata" (Jajce).

Ustavni sud, rješenjem od 26. 12. 1991. godine, po vlastitoj inicijativi pokrenuo je postupak za ocjenjivanje zakonitosti Tarife u cjelosti, koju je donio Izvršni odbor opštine Mrkonjić-Grad, izražavajući sumnju da li je donesena od nadležnog organa. Istim rješenjem pokrenut je postupak za ocjenjivanje ustavnosti odredaba člana 3. odluka skupština opština Jajce i Skender Vakuf, u dijelovima kojima je propisano da će se odluke primjenjivati od 1. 1. 1991. godine, te člana 2. Odluke Skupštine opštine Prnjavor, u dijelu kojim je propisano da će se primjenjivati od 1. 6. 1991. godine i pri tome izražena sumnja da je time aktima dato povratno dejstvo. Ustavni sud je pri tome imao u vidu da je osporena odluka Skupštine opštine Jajce donesena 10. 5. 1991. godine i objavljena u "Službenom glasniku opštine Jajce", broj 3/91, od 26. 4. 1991. godine; osporena odluka Skupštine opštine Prnjavor donesena je 10. 5. 1991. godine i objavljena u "Službenom glasniku opštine Prnjavor", broj 4/91, od 28. 6. 1991. godine, a Odluka Skupštine opštine Skender Vakuf donesena je 7. 3. 1991. godine i objavljena u "Službenom glasniku opštine Skender Vakuf", broj 2/91, od 21. 3. 1991. godine.

Predstavkom Dizdar Irmana iz Jajca, od 14. 2. 1992. godine, također je zatraženo ocjenjivanje ustavnosti i zakonitosti odredaba člana 1. tarifni broj 3. i člana 3. navedene odluke Skupštine opštine Jajce.

Prema Ustavu Republike Bosne i Hercegovine zakoni i drugi propisi i opšti akti organa društveno-političkih zajednica objavljuju se prije nego što stupe na snagu i ne mogu imati povratno dejstvo. Samo zakonom se može odrediti da pojedine njegove odredbe, ako to zahtijeva opšti interes, imaju povratno dejstvo (član 219. stav 1. i član 221. stav 1. i 2.).

Kako je osporenim odredbama člana 3. odluka skupština opština Jajce i Skender Vakuf propisano da će se primjenjivati od 1. 1. 1991. godine, a članom 2. Odluke Skupštine opštine Prnjavor da će se primjenjivati od 1. 6. 1991. godine, te imajući u vidu vrijeme njihovog donošenja i objavljivanja, ove odredbe su, po ocjeni Ustavnog suda, u nesaglasnosti sa Ustavom Republike Bosne i Hercegovine.

Ustavom je i određeno da u okviru zakonom utvrđenog sistema izvora i vrsta poreza, taksa i ostalih dažbina, radni ljudi samostalno odlučuju o obimu i načinu finansiranja opštih društvenih potreba u opštini (član 266. stav 2.).

Zakonom o komunalnim taksama ("Službeni list SRBiH", br. 21/77, 36/88 i 26/89) propisano je da komunalne takse propisuje skupština opštine svojom odlukom (član 1.); da se takse mogu propisati za predmete i usluge određene ovim zakonom (član 2.), među kojima, između ostalog, za držanje sredstava za igru (bilijar, karte za igru i sl.) u ugostiteljskim objektima i u ugostiteljskim objektima društvenog standarda (član 3. stav 1. tačka 3.).

Iz navedenih odredaba Ustava i Zakona proizilazi da komunalnu taksu za držanje sredstava za igru može propisati samo skupština opštine i to za sredstva koja se drže u ugostiteljskim objektima i ugostiteljskim objektima društvenog standarda. Kako je Tarifu komunalnih taksa donio Izvršni odbor opštine Mrkonjić-Grad, a osporenim odlukom člana 1. tarifni broj 3. Odluke Skupštine opštine Jajce komunalna taksa propisana za sredstva za igru koja se drže "u objektima ili van objekata", Ustavni sud ih je ukinuo.

Polazeći od istih odredaba Ustava i Zakona Ustavni sud je ocijenio da osporene odredbe opštih akata navedenih u tački 2. dispozitiva ove odluke nisu u nesaglasnosti sa Ustavom i zakonom.

Postupajući po prijedlogu za ocjenjivanje ustavnosti i zakonitosti odredbe člana 1. tarifni broj 4. alineja 2. Odluke o izmjenama i dopunama Odluke o komunalnim taksama, koju je 26. 4. 1991. godine donijela Skupština opštine Šipovo, Ustavni sud je, dopisima od 5. 7. i 4. 10. 1991. godine, tražio od ove skupštine da mu se dostavi službeni glasnik odnosno dokazi da je osporena odluka, u smislu člana 219. stav 1. Ustava Socijalističke Republike Bosne i Hercegovine, objavljena. Isti zahtjev 18. 2. 1991. godine upućen je od strane Vlade Socijalističke Republike Bosne i Hercegovine. Do donošenja ove odluke Skupština opštine Šipovo Ustavnom sudu nije dostavila dokaz da je Odluka objavljena. Stoga Ustavni sud nije mogao pristupiti njenom ocjenjivanju, niti je ova odluka mogla stupiti na snagu, imati pravno dejstvo i proizvoditi pravne posljedice.

Na osnovu izloženog odlučeno je kao u dispozitivu ove odluke.

U broj 116/91
16. aprila 1992. godine
Sarajevo

Predsjednik
Ustavnog suda BiH,
dr Ismet Dautbašić, s. r.

Društveni fond za penzijsko i invalidsko osiguranje Bosne i Hercegovine

Na osnovu člana 4. Uredbe sa zakonskom snagom o izmjenama Zakona o penzijskom i invalidskom osiguranju ("Službeni list RBiH", broj 24/92) i člana 6. Uredbe sa zakonskom snagom o penzijskom i invalidskom osiguranju za vrijeme ratnog stanja ili u slučaju neposredne ratne opasnosti ("Službeni list RBiH", broj 16/92), direktor Društvenog fonda za penzijsko i invalidsko osiguranje Bosne i Hercegovine, donosi

ODLUKU

O PROFESIONALNOJ REHABILITACIJI DJECE

Član 1.

Ovom odlukom utvrđuje se ko se smatra djetetom koje ima pravo na profesionalnu rehabilitaciju (u daljem tekstu: rehabilitacija), šta se smatra nesposobnošću za samostalan život i rad, godine života do kojih se obezbjeđuje rehabilitacija, uslovi za sticanje prava na rehabilitaciju, visina troškova rehabilitacije, novčana naknada od dana završene rehabilitacije do dana zapošljavanja i druga pitanja od uticaja na rehabilitaciju djece.

Član 2.

Pravo na rehabilitaciju obezbjeđuje se djetetu ometenom u fizičkom ili psihičkom razvoju u smislu propisa o razvrstavanju i evidentiranju djece ometene u fizičkom ili psihičkom razvoju i djetetu kod kojeg postoji invalidnost prouzrokovana povredom ili bolešću, pod uslovima da postoji vjerovatnoća da se dijete rehabilitacijom može osposobiti za samostalan život i rad.

Član 3.

Rehabilitacija djeteta vrši se radi sticanja znanja u određenom zanimanju odgovarajućeg stepena stručne spremlje koja se stiče u specijalnoj srednjoj školi u kojoj se ostvaruju stručni posebno prilagođeni programi za specijalno obrazovanje djece sa smetnjama u fizičkom ili psihičkom razvoju.

Djetetu koje nije u mogućnosti da stekne stepen stručne spremlje i kategoriju složenosti za određeno zanimanje omogućuje se da se u posebnoj organizaciji radno osposobi za određene poslove radnog mjesta prema potrebama posebne ili druge organizacije za čije se potrebe radno osposobljava po posebnom programu i na osnovu prethodno zaključenog ugovora.

Član 4.

Pravo na rehabilitaciju ima dijete osiguranika, dijete korisnika penzije (starosne, invalidske, porodične) i dijete korisnik penzije.

Dijete stiče pravo na rehabilitaciju bez obzira na navršeni penzijski staž osiguranika odnosno korisnika prava.

Član 5.

Pravo na rehabilitaciju može ostvariti dijete sa navršenih 15 godina života ako su ispunjeni slijedeći uslovi:

- da postoji vjerovatnoća da se dijete s obzirom na prirodu uzroka i stepen nesposobnosti može rehabilitacijom osposobiti za samostalan život i rad,

- da je dijete završilo osnovno obrazovanje, odnosno obrazovanje i vaspitanje u specijalnim školama namijenjenim djeci sa smetnjama u fizičkom ili psihičkom razvoju u smislu propisa o specijalnom školovanju,

- da postoji vjerovatnoća da se osposobljavanje djeteta može postići u roku od najviše četiri godine.

Pravo na rehabilitaciju obezbjeđuje se djetetu do navršenih 26 godina života, odnosno i poslije 26 godina života, ukoliko je pravo na rehabilitaciju priznato i rehabilitacija započeta prije ovih godina života.

Član 6.

Postupak za ostvarivanje prava na rehabilitaciju pokreće se na zahtjev djeteta, roditelja ili staratelja djeteta ili nadležnog opštinskog organa.

Rješenje o pravu na rehabilitaciju u prvom stepenu donosi lice ovlašteno opštim aktom Fonda, a u drugom stepenu donosi direktor Društvenog fonda za penzijsko i invalidsko osiguranje Bosne i Hercegovine (u daljem tekstu: Fond), odnosno lice koje on ovlasti.

Rješenje o pravu na rehabilitaciju donosi se na osnovu nalaza, ocjene i mišljenja stručnog organa vještačenja Instituta za ocjenjivanje radne sposobnosti u oblasti penzijskog i invalidskog osiguranja (u daljem tekstu: Institut).

Stručni organ vještačenja stepen stručnog obrazovanja, odnosno vrstu posla za koje će se dijete osposobljavati cijeni prema fizičkoj i psihičkoj sposobnosti djeteta, a trajanje rehabilitacije određuje se prema stepenu obrazovanja i stepenu stručne spremlje za pojedino zanimanje.

Član 7.

Uslovi za vršenje rehabilitacije i međusobni odnosi prava i obaveze između Fonda i organizacije u kojoj se vrši rehabilitacija uređuju se ugovorom koji u ime Fonda zaključuje direktor Fonda ili lice koje on ovlasti.

Član 8.

Za vrijeme vršenja rehabilitacije dijete može biti smješteno u ustanovu internatskog tipa ili u drugu porodicu u drugom mjestu. Troškove smještaja i ishrane djeteta snosi Fond.

Troškovi smještaja i ishrane djeteta u drugoj porodici ne mogu iznositi više od iznosa troškova smještaja i ishrane u odgovarajućoj ustanovi internatskog tipa.

Član 9.

Od dana završene rehabilitacije do dana zapošljavanja dijete ima pravo na novčanu naknadu.

Novčana naknada od dana završene rehabilitacije do dana zapošljavanja utvrđuje se u mjesečnom iznosu u visini od 50% od prosječnog čistog ličnog dohotka ostvarenog u Republici Bosni i Hercegovini u prethodnoj godini.

Naknada iz prethodnog stava uskladuje se sa kretanjem nominalnih ličnih dohodaka svih zaposlenih radnika na teritoriji Republike Bosne i Hercegovine, na način i u rokovima i visini, koji se u toku godine primjenjuje za uskladjivanje penzija.

Član 10.

Pravo na rehabilitaciju i pravo na naknadu troškova u vezi sa rehabilitacijom prestaje kada nastupe promjene u fizičkom ili psihičkom stanju djeteta koje onemogućavaju dalje sprovođenje rehabilitacije i više ne postoji vjerovatnoća da se dijete može osposobiti za samostalan život i rad što se utvrđuje ponovnim pregledom djeteta i ocjenom stručnog organa vještačenja Instituta.

Član 11.

Pravo na rehabilitaciju djeteta priznato po ovoj odluci prestaje:

- ako dijete ne počne vršenje rehabilitacije u roku od jedne godine od dana određenog za stupanje na rehabilitaciju, osim ako je opravdano spriječeno,

- ako prekine da obavlja rehabilitaciju ili ne izvršava dužnosti u vezi sa rehabilitacijom.

Ako je rehabilitacija prestala u slučaju iz prethodnog stava alineja 1. nastaviće se ako se utvrdi da su nastupile promjene u fizičkom i psihičkom stanju djeteta koje omogućavaju rehabilitaciju o čemu se ponovo izjašnjava stručni organ vještačenja Instituta.

Djetetu kome je pravo na rehabilitaciju prestalo u smislu stava 1. alineja 2. ovog člana ukoliko je mlađe od 18 godina ponovo se na zahtjev uspostavlja pravo na rehabilitaciju, a ako je starije od 18 godina ponovo se upućuje na pregled stručnom organu vještačenja Instituta radi mišljenja o mogućnosti rehabilitacije prema ranijem nalazu.

Član 12.

Djeca koja su pravo na rehabilitaciju ostvarila po ranijim propisima nastaviće rehabilitaciju i korišćenje prava u vezi sa rehabilitacijom po ovoj odluci.

Član 13.

Danom stupanja na snagu ove odluke prestaje da važi Odluka o profesionalnoj rehabilitaciji djece ometene u fizičkom ili psihičkom razvoju ("Službeni list SR BiH", br. 22/85, 37/85, 29/86, 34/87 i 22/88).

Član 14.

Ova odluka stupa na snagu danom objavljivanja u "Službenom listu RBiH".

Broj BD-01-48/93

28. januara 1993. godine

Direktor

Sarajevo

dipl. ecc. Luka Šijaković, s. r.

Na osnovu člana 3. Uredbe sa zakonskom snagom o izmjenama Zakona o penzijskom i invalidskom osiguranju ("Službeni list RBiH", broj 24/92) i člana 6. Uredbe sa zakonskom snagom o penzijskom i invalidskom osiguranju za vrijeme ratnog stanja ili u slučaju neposredne ratne opasnosti ("Službeni list RBiH", broj 16/92), direktor Društvenog fonda za penzijsko i invalidsko osiguranje Bosne i Hercegovine, donosi

ODLUKU

O OSTVARIVANJU PRAVA NA ZAŠTITNI DODATAK

Član 1.

Ovom odlukom utvrđuje se šta se smatra domaćinstvom korisnika penzije radi ostvarivanja prava na zaštitni dodatak, šta se smatra prihodima korisnika penzije i članova njegovog domaćinstva, imovinski cenzusi koji su uslov za sticanje prava na zaštitni dodatak, elementi i način utvrđivanja zaštitnog dodatka i uslovi pod kojima korisniku penzije prestaje pravo na zaštitni dodatak.

Član 2.

Pod domaćinstvom korisnika penzije radi ostvarivanja prava na zaštitni dodatak smatra se zajednica života privredivanja i trošenja ostvarenih prihoda svih članova domaćinstva, bez obzira na srodstvo.

Član 3.

Kao prihod korisnika penzije i članova njegovog domaćinstva smatraju se svi prihodi korisnika penzije i članova njegovog domaćinstva ostvareni na osnovu rada, obavljanja djelatnosti samostalnim ličnim radom, poljoprivredne djelatnosti, primanje po osnovu penzije, ostvareni dohodak od imovine i drugi prihodi podložni plaćanju poreza, ostvareni u periodu za koje se utvrđuju imovinski cenzusi za ostvarivanje prava na zaštitni dodatak iz člana 4. stav 1. ove odluke.

U ukupne prihode korisnika penzije i članova njegovog domaćinstva ne ulaze lični dohodak koji je korisnik penzije ostvario neposredno prije ostvarivanja prava na penziju, penzija korisnika o čijem se pravu na zaštitni dodatak rješava,

novčana naknada za tjelesno oštećenje, novčana naknada za pomoć i negu kao i druga primanja korisnika penzija i članova njegovog domaćinstva za koje je, prema posebnim propisima kojima se ustanovljava pojedino primanje, izričito utvrđeno da se ne uzimaju u obzir pri utvrđivanju imovnog stanja domaćinstva.

Ako se domaćinstvo korisnika penzije sastoji samo od članova koji nemaju drugih prihoda osim penzije, smatra se da ni korisnik penzije kojem se obezbjeđuje zaštitni dodatak uz penziju, niti članovi njegovog domaćinstva nemaju drugih prihoda dovoljnih za izdržavanje ako prihod po članu domaćinstva ostvareni po osnovu penzije, u koje ulazi i penzija korisnika o čijem se pravu na zaštitni dodatak rješava, ne prelazi iznos zajamčene penzije.

Član 4.

Korisnik penzije, čija je penzija manja od iznosa zajamčene penzije, stiče pravo na zaštitni dodatak ako korisnik penzije i članovi njegovog domaćinstva nemaju drugih prihoda dovoljnih za izdržavanje. Smatra se da korisnik penzije i članovi njegovog domaćinstva nemaju drugih prihoda dovoljnih za izdržavanje u smislu ove odluke, ako:

1. osnovica poreza iz ličnog dohotka od poljoprivredne djelatnosti (u daljem tekstu: imovinski cenzus od poljoprivrede) ne prelazi godišnje 18.000 BHD po članu domaćinstva;

2. prihod ostvaren po osnovu ličnog dohotka iz radnog odnosa, ličnog dohotka po osnovu obavljanja samostalne djelatnosti, prihod po osnovu penzije kao i drugi prihodi na koje se plaća porez (u daljem tekstu: imovinski cenzus od ličnog dohotka), ne prelazi 40% od prosječnog mjesečnog čistog ličnog dohotka svih zaposlenih radnika u Republici Bosni i Hercegovini (u daljem tekstu: Republika).

Ako korisnik penzije i članovi njegovog domaćinstva ostvaruju prihode po tački 1. i po tački 2. prethodnog stava, iznos prihoda ostvaren po tački 1. dijeli se sa iznosom imovinskog cenzusa od poljoprivrede, a iznos prihoda ostvaren po tački 2. dijeli se sa iznosom imovinskog cenzusa od ličnog dohotka. Ako zbir oba količnika ne prelazi 1,00, smatra se da korisnik penzije i članovi njegovog domaćinstva nemaju drugih prihoda dovoljnih za izdržavanje.

Član 5.

Imovinski cenzus od poljoprivrede valorizovao se u skladu sa prosječnom valorizacijom katastarskog prihoda u Republici.

Kao prosječan mjesečni čist lični dohodak u Republici za utvrđivanje imovinskog cenzusa od ličnog dohotka uzima se:

- kod ostvarivanja prava na zaštitni dodatak u periodu od 1. januara do 31. marta, prosječan čist lični dohodak ostvaren u periodu septembar-novembar prethodne godine,

- kod ostvarivanja prava na zaštitni dodatak u periodu od 1. aprila do 30. juna prosječan čist lični dohodak ostvaren u periodu decembar prethodne godine - februar tekuće godine,

- kod ostvarivanja prava na zaštitni dodatak u periodu od 1. jula do 30. septembra prosječan čist lični dohodak ostvaren u periodu mart-maj tekuće godine,

- kod ostvarivanja prava na zaštitni dodatak u periodu od oktobra do 31. decembra prosječan čist lični dohodak ostvaren u periodu juni-august tekuće godine.

Imovinski cenzus od ličnog dohotka utvrđuje direktor Društvenog fonda za penzijsko i invalidsko osiguranje Bosne i Hercegovine na osnovu podataka Zavoda za statistiku Republike Bosne i Hercegovine.

Član 6.

Ako je bračni drug korisnika penzije zaposlen u inostranstvu kod inostranog poslodavca ili se tamo bavi samostalnom djelatnošću, smatra se da korisnik penzije i članovi njegovog domaćinstva imaju drugih prihoda dovoljnih za izdržavanje.

Član 7.

Osnov za određivanje visine zaštitnog dodatka je razlika između iznosa penzije koja korisniku pripada i iznosa zajamčene penzije.

Korisniku invalidske penzije stečene po osnovu invalidnosti prouzrokovane bolešću ili povredom van rada visina zaštitnog dodatka određuje se zavisno od pokrivenosti radnog vijeka penzijskim stažom i iznosi:

Ako je pokrivenost radnog vijeka penzijskim stažom	Procenat od osnova za određivanje zaštitnog dodatka
do 1/2	90%
preko 1/2	100%

Korisniku starosne penzije visina zaštitnog dodatka određuje se zavisno od dužine penzijskog staža i iznosi:

za penzijski staž	Procenat od osnova za određivanje zaštitnog dodatka
-------------------	---

MUŠKARAC

do navršanih 20 godina	do navršanih 15 godina	80%
od 20 do 30 godina	preko 15 do 25 godina	90%
preko 30 godina	preko 25 godina	100%

ŽENA

Korisniku porodične penzije visina zaštitnog dodatka određuje se zavisno od broja članova porodice koji koriste penziju i iznosi:

Broj članova porodice	Procenat od osnova za određivanje zaštitnog dodatka
1 člana porodice	80%
2 člana porodice	90%
3 i više članova porodice	100%

Član 8.

Ako u toku korištenja zaštitnog dodatka nastanu promjene usljed kojih korisnik penzije više ne ispunjava uslove za korištenje prava na zaštitni dodatak, pravo na zaštitni dodatak prestaje od prvog narednog mjeseca nakon nastale promjene.

Član 9.

Korisnik prava na zaštitni dodatak dužan je da svaku promjenu koja je od uticaja na korištenje prava na zaštitni dodatak prijavi nadležnoj organizacionoj jedinici Stručne službe Društvenog fonda za penzijsko i invalidsko osiguranje Bosne i Hercegovine u roku od 15 dana od dana nastale promjene.

Član 10.

Imovinski cenzus od poljoprivrede ne uzima se u obzir kod ostvarivanja prava na zaštitni dodatak za vrijeme ratnog stanja ili u slučaju neposredne ratne opasnosti.

Član 11.

Danom stupanja na snagu ove odluke prestaje da važi Odluka o ostvarivanju prava na zaštitni dodatak ("Službeni list SRBiH", br. 9/85, 15/86, 14/88 i 35/89).

Član 12.

Ova odluka stupa na snagu danom objavljivanja u "Službenom listu RBiH".

Broj BD-01-49/93

28. januara 1993. godine
Sarajevo

Direktor

dipl. ecc. Luka Šijaković, s. r.

Na osnovu člana 84. Statuta Društvenog fonda za penzijsko i invalidsko osiguranje Bosne i Hercegovine ("Službeni list SRBiH", broj 25/91), direktor Društvenog fonda za penzijsko i invalidsko osiguranje Bosne i Hercegovine, izdaje

SAOPŠTENJE**O KOEFICIJENTIMA ZA VALORIZACIJU LIČNIH DOHODAKA IZ RANIJIH GODINA PREMA PROSJEKU LIČNIH DOHODAKA U 1992. GODINI****I**

Lični dohoci, odnosno osnovice osiguranja koji se uzimaju za utvrđivanje penzijskog osnova (u daljem tekstu: lični dohoci) iz 1966, 1967, 1968, 1969, 1970, 1971, 1972, 1973, 1974, 1975, 1976, 1977, 1978, 1979, 1980, 1981, 1982, 1983, 1984, 1985, 1986, 1987, 1988, 1989, 1990 i 1991. godine valorizuju se prema prosjeku ličnih dohodaka svih zaposlenih na teritoriji Republike Bosne i Hercegovine u 1992. godini slijedećim koeficijentima:

Lični dohodak iz godine	Koeficijent valorizacije
1966.	3,579.569,893
1967.	3,214.206,897
1968.	2,923.839,398
1969.	2,549.562,363
1970.	2.078.768,956
1971.	1,703.435,673
1972.	1,474.873,418
1973.	1,250.831,991
1974.	979.941,127
1975.	804.383,845
1976.	706.579,745
1977.	608.751,306
1978.	498.886,748
1979.	424.694,733
1980.	348.273,801
1981.	257.919,203
1982.	199.136,900
1983.	154.775,505
1984.	110.164,043
1985.	63.079,963
1986.	31.482,032
1987.	15.962,490
1988.	5.853,407
1989.	361,287
1990.	68,903
1991.	40,925

II

Ovo saopštenje objaviće se u "Službenom listu Republike Bosne i Hercegovine".

Broj BD-01-57/93

17. marta 1993. godine
Sarajevo

Direktor

dipl. ecc. Luka Šijaković, s. r.

SADRŽAJ

121	Uredba sa zakonskom snagom o sredstvima i finansiranju Armije Republike Bosne i Hercegovine	113	147	Rješenje o davanju saglasnosti na cijene osnovnih usluga u unutrašnjem poštanskom, telegrafskom i telefonskom saobraćaju	128
122	Uredba sa zakonskom snagom o dopuni Uredbe sa zakonskom snagom o prihvatanju Rezolucije 757 Savjeta sigurnosti od 30. maja 1992. godine	121	148	Rješenje o davanju saglasnosti na Statut Javnog preduzeća za proizvodnju i promet proizvoda s posebnom namjenom Unis "Pretis" Sarajevo	128
123	Uredba sa zakonskom snagom o izmjenama i dopunama Zakona o naučnoistraživačkoj djelatnosti	121	149	Rješenje o davanju saglasnosti na Statut javnog preduzeća za proizvodnju naoružanja i vojne opreme "Tehnički remontni zavod Hadžići", p. o. Sarajevo	129
124	Uredba sa zakonskom snagom o izmjenama Uredbe sa zakonskom snagom o organizaciji republičke uprave	122	150	Rješenje o davanju saglasnosti na Pravilnik o unutrašnjoj organizaciji javnog preduzeća za proizvodnju i promet proizvoda s posebnom namjenom Unis "Pretis" Sarajevo	129
125	Uredba sa zakonskom snagom o Novinskoj agenciji Bosne i Hercegovine	122	151	Rješenje o imenovanju interresorne grupe iz područja telekomunikacija za odnose sa UNPROFOR-om	129
126	Odluka o razrješenju i imenovanju predsjednika Poslovnog odbora Radio-televizije Bosne i Hercegovine	123		Ispravka Uredbe sa zakonskom snagom o matičnim knjigama	129
127	Odluka o razrješenju i imenovanju glavnog urednika Televizije Bosne i Hercegovine	123		USTAVNI SUD BOSNE I HERCEGOVINE	
128	Odluka o postavljenju ambasadora Republike Bosne i Hercegovine u Republici Hrvatskoj	123		Odluka o utvrđivanju da odredbe člana 30. Zakona o prevozu u drumskom saobraćaju nisu u saglasnosti sa Ustavom RBiH	129
129	Odluka o postavljenju ambasadora Republike Bosne i Hercegovine u Republici Sloveniji	124		Odluka o ukidanju odredbi Odluke o utvrđivanju visine naknade za lokalne i nekategorisane puteve u opštini Srbac, koju je 8. 4. 1991. godine donijela Skupština opštine Srbac	130
130	Odluka o postavljenju ambasadora Republike Bosne i Hercegovine u Islamskoj Republici Pakistan	124		Odluka o prestanku važenja odredbi člana 1. stav 2. i 3, člana 3. stav 2. i člana 13a. Zakona o objavljivanju republičkih zakona i drugih republičkih propisa i opštih akata prestanku važenja	131
131	Odluka o postavljenju ambasadora Republike Bosne i Hercegovine u Republici Turskoj	124		Odluka o prestanku važenja odredbi člana 36. stav 1. i člana 37. stav 3. i 4. Zakona o igrama na sreću i Lutriji Bosne i Hercegovine	131
132	Odluka o izmjenama i dopunama Odluke o obrazovanju Vojnog savjeta	124		Odluka o ukidanju: Tarife komunalnih taksa, koju je 31. 1. 1991. godine donio Izvršni odbor opštine Mrkonjić-Grad; odredbe člana 1. tarifnog broja 3. Odluke o izmjeni i dopuni Odluke o komunalnim taksama, koju je 26. 4. 1991. godine donijela Skupština opštine Jajce; odredbe člana 2. Odluke o izmjeni i dopuni Tarife komunalnih taksa, koju je 10. 5. 1991. godine donijela Skupština opštine Prnjavor; odredbe člana 3. Odluke o izmjenama Odluke o komunalnim taksama, koju je 7. 3. 1991. godine donijela Skupština opštine Skender Vakuf	132
133	Odluka o imenovanju direktora Radio-televizije Bosne i Hercegovine	124		DRUŠTVENI FOND ZA PENZIJSKO I INVALIDSKO OSIGURANJE BOSNE I HERCEGOVINE	
134	Odluka o izboru predsjednika i članova Ratnog predsjedništva Skupštine opštine Han Pijesak	124		Odluka o profesionalnoj rehabilitaciji djece	133
135	Odluka o izboru potpredsjednika Vlade Republike Bosne i Hercegovine	125		Odluka o ostvarivanju prava na zaštitni dodatak	133
136	Odluka o izboru ministra informisanja	125		Saopštenje o koeficijentima za valorizaciju ličnih dohodaka iz ranijih godina prema prosjeku ličnih dohodaka u 1992. godini	134
137	Odluka o izboru zamjenika ministra rada i socijalne politike	125			
138	Odluka o izboru zamjenika ministra obrazovanja, nauke, kulture i sporta	125			
139	Odluka o imenovanju generalnog sekretara Predsjedništva Republike Bosne i Hercegovine	125			
140	Odluka o razrješenju i izboru sudija redovnih sudova u Tuzli	126			
141	Odluka o razrješenju i imenovanju zamjenika okružnih vojnih tužilaca	126			
142	Odluka o imenovanju Komisije matičara za osnivanje Pedagoške akademije u Bihaću	126			
143	Odluka o postavljenju ambasadora Republike Bosne i Hercegovine u Islamskoj Republici Iran	126			
144	Odluka o razrješenju savjetnika u Predsjedništvu Republike Bosne i Hercegovine	126			
145	Odluka o razrješenju i izboru predsjednika i članova ratnih predsjedništava skupština opština	127			
146	Odluka o osnivanju granične veterinarske stanice "Aerodrom Tuzla" u Tuzli	128			